

離

騷

草

木

史

離騷草木史卷之二

古橋李周拱辰孟侯注

黃岡杜濬茶村參閱

蕭山任辰旦待菴

六世孫 勛潛以清

七世孫

東杰 檣 桂 材 楚 榮 相 翰

重校刊

九歌

周拱辰敘曰九歌之作也夫曷爲乎爾以享神也

享神奈何。民俗仍焉爾。或亦未放時。三閭大夫者。職也。夫三閭者。職而胡以在。在托之君也。君之信我也。不固矣。而托之神以邀之。以痛己之不獲職也。雖然。有進焉。董子曰。鬼神居陰而治陽。夫屈原固借鬼神以自治也。卽以治君也。若曰。君而讒是服矣。而一凜於明威之赫。御蕙蘭。擯蕭艾。勿惜而吉。豈不然哉。已九歌矣。而益之殤與魂。又何也。或曰。以續山鬼也。山鬼工媚。國殤不善媚。山鬼滯幽篁。禮魂享芭舞。則山鬼非乎。又非也。持竈宛以貢之君。而剛毅之骨。芳馨之性。自若也。魂魄鬼雄。蘭

九歌九章  
俱以騷例  
讀語更覺  
其幻妙○  
九歌視情  
為色拂水  
成珠種種  
鬼舞神歌  
之况

菊○千○古○以○卒○山○鬼○之○報○也○夫○

吉日兮辰良。穆將愉兮上皇。撫長劍兮玉珥。璆鏘鳴兮

琳瑯。瑤席兮玉璫。盍將把兮瓊芳。蕙肴蒸兮蘭藉。奠桂

酒兮椒漿。一作音餌璆璫渠幽反璫一作蒸

集注曰。謂甲乙辰謂寅卯上皇。謂東皇太乙也。珥劍

鐔也。璆鏘。皆玉聲。琳瑯。美玉名。璫與鐔同。所以壓神

位之席也。瓊芳。草枝可貴如玉。巫所持以舞者。肴。骨

體也。蒸。進也。國語。燕有肴蒸。言以蕙裹肴而進之。又

以蘭為藉也。桂酒。切桂投酒中也。漿者。周禮四飲之

一。又以椒漬其中也。

周拱辰曰考工桃氏爲劍身長五其莖長重九垺謂之上制卽長劍也尚書禹貢璆琳琅玕爾雅西北之美者有崑崙墟之璆琳琅玕焉孔安國郭璞咸謂石之似珠者非真玉也在上鋪陳曰筵在下蹈藉曰席此席乃几案供神之席而鎮之以玉也古有琢以螭龍諸虫獸者瓊芳舊訓謂草枝巫所持以舞者卽傳芭代舞之類又男巫望祀望衍授號旁招以茅然一以禮殤鬼一以贈厲鬼非所以享貴神也又揚枹拊鼓在藉肴奠酒之後豈有肴尚未薦酒尚未奠枹鼓尚未動遽然把草枝以舞者亦未有不鼓先舞之理

愚謂把者把鬯也。卽周禮所稱以秬黍酒和鬱金。所以灌地降神者。說文瓊乃紅玉。鬱金之酒芳烈。而黃流在中。所執以灌地降神也。而又盛味以養陰。潔飲以養陽。緩節以薦嘉容。安歌以薦人聲。拊鼓竽瑟以薦絲竹。革木不敢言來。非來之可得昵也。不敢言去。非去之可得間也。不敢言思。非思之可得倪也。不敢言怨。非怨之可得懟也。非怨之可得親也。太乙以喻帝。故曰上皇山鬼。以喻臣。故曰若有人。雲中君。湘君。湘夫人。大司命。少司命。東君。河伯。以喻君。故曰佳人。曰夫君。山鬼媚君。所以尊君。太乙臨君。以正君。亦以

尊君也。使吾君凜然知君之上。復有上皇而不敢自縱。亦愛君之極思矣。

右東王太一

集注太一天之尊神。祠在楚東。以配東帝。故曰東主。漢書云。天神貴者太一。太一佐曰五帝。中宮天極星。其一明者。太一常居也。淮南曰。太微者。太一之庭。紫宮者。太一之居。

一字句法

浴蘭湯兮沐芳華。采衣兮若英。靈連蜷兮旣畱。爛昭昭兮未央。蹇將憺兮壽宮。與日月兮齊光。龍駕兮帝服。聊翱翔兮周章。

英叶央蜷音拳憺徒  
濫反宮叶古荒反

佩以蘭糗  
以蘭沐浴  
亦以蘭可  
謂飲食寢  
處之矣

集注英、如草木之英、靈神所降也、楚人名巫為靈子。  
連蜷、長曲貌、謇、詞也、憺、安也、壽宮、供神之處、漢武帝  
時、置壽宮神君、亦此類、周章、周流也、

周拱辰曰、幽明錄、古制廟方四丈、不墉壁、道廣四尺。  
夾樹蘭香齋者、煮以沐浴、然後親祭、所謂蘭湯也、謇  
將、憺與穆、愉一意、謇、寬碩貌、言壽宮寬碩而寧謐也、  
靈皇、皇兮既降、焱、遠舉兮雲中、覽冀州兮有餘、橫四海  
兮焉窮、思夫君兮太息、極勞心兮慄慄、  
降叶乎攻反焱必遙反慄敕中

反

集注焱、去疾貌、兩河之間曰冀州、夫君、謂神也、慄慄、

心動貌、

周拱辰曰、焱舉雲中。神已去我矣。仰望雲中。龍駕帝服。去我未遠。或尚在冀州之間乎。而不知已橫四海。而不可窮也。舉雲中言其高。橫四海言其遠。直有遙望神州九點煙一泓海水。盃中瀉之景。嘒嘒之聲。如可聞。而夫君已杳然天外。亦奈此浮雲者何哉。雖然、雲而神之。雲之所以爲神靈衛也。雲而人之。其爲君心蔽也大矣。曰太息曰憊憊。殆隱言之也。夫右雲中君

集注謂雲神也。亦見漢書郊祀志、

含情縹渺  
翠濤如剪

二如不死  
于湘載在  
六經俗儒

君不行兮夷猶。蹇誰留兮中洲。美要眇兮宜脩。沛吾乘  
兮桂舟。令沅湘兮無波。使江水兮安流。望夫君兮未來。  
吹參差兮誰思。要於笑反來叶力  
之反思叶新齋反

集注湘君，堯長女娥皇，為舜正妃，舜陟方，死於蒼梧，  
二妃死於江湘之間，俗謂之湘君，夷猶，猶豫也，水中  
可居曰洲，誰留，言其不來，不知其為何人而留也，沛，  
行貌，吾謂主祭者之自吾也，參差，洞簫也，風俗通云，  
舜作簫，其形參差，象鳳翼也。

周拱辰曰：禮經舜崩蒼梧之野，蓋三妃未之從也。三  
妃，一娥皇，二女英，三嫫比，從則俱從，此何以遺其一。

何得妄誣

南馬車才身

卷二

五

駕飛龍以下皆指湘君言想望之辭也

總之湘君湘夫人皆湘川之神猶水母玄女貝宮夫  
 人之類不必泥也要眇宜脩指迎神者言人而欲一  
 致其美於神宜練要而脩飾所謂子慕子兮善窈窕  
 也參差卽物類所稱言簫長二尺爾雅云編二十二  
 管蓋截竹二十二根橫束之爲二十二管也長一尺  
 四寸曰管又二寸曰篳大凡思人者於欲來未來之  
 際最難爲情吹參差兮誰思含情滿洞庭矣  
 駕飛龍兮北征邇吾道兮洞庭薜荔拍兮蕙綢蓀橈兮  
 蘭旌望涔陽兮極浦橫大江兮揚靈揚靈兮未極女媧  
 媛兮爲子太息橫流涕兮潺湲隱思君兮徘徊側  
 綢音縹

滂依連反  
非符沸反

集注駕飛龍者以龍翼舟也。拍搏壁也。綢束縛也。橈船小楫也。涪陽碕石靈精誠也。

周拱辰曰。駕龍北征以迎神也。或曰。飛龍卽龍舟。楚人名轉曰遭。易曰。迺如遭。如則亦遭。廻不進貌。前曰沛。吾乘往之勇也。此曰遭。吾道已在道矣。而徐徐以進。吹盡參差。君竟不來。是以欲前未敢前耳。拍舟肩板。卽周禮醢人豚拍是也。綢舟索也。旌舟麾也。揚靈揚神之靈。卽招神意未極。極也。言豈揚神之靈未極。恨切乎。女卽湘君之侍女。何以爲子太息。以閔我精。

夢中覓人  
夢中造人  
總是無端  
恍惚

陸仲昭曰  
聲如琢玉  
追冰色如  
新黃始爽  
文情妙麗  
千載獨絕

誠極矣而不見諒也。天下儘有局中之人。本衷難撩。而旁觀之人。隱腸倍熱者。然則湘君不來而侍女何。以獨在乎。曰有意中想像之。湘君斯有意中想像之。侍女潺湲之涕。意侍女之倍爲予惜也已。桂櫂兮蘭枻。斲冰兮積雪。采薜荔兮水中。攀芙蓉兮木末。心不同兮媒勞。恩不甚兮輕絕。石瀨兮淺淺。飛龍兮翩翩。交不忠兮怨長。期不信兮告予以不閑。枻音淺音閑。音淺音閑。

集注枻船旁板也。斲斫冰凍紛如積雪。薜荔緣木。今採之水中。芙蓉在水。今求之木末。用力雖勤。不可得。

洪興祖曰  
此與騷經  
解佩褰以  
結言意同

也。

周拱辰曰。媒勞輕絕二語。千古殞涕。女子因媒而嫁。不因媒而親。媒亦不足憑。恩亦不足恃也。語曰。男懼不敝輪。女懼不敝席。古來忠臣棄婦。大率如斯矣。或者交淺言深。得毋愷悌新婦之疑乎。自怨自艾。似泣似訴。可以入離絃而譜參差。可以泣嫠婦而訴下女。

鼃騁騫兮江皋。夕弭節兮北渚。鳥吹兮北上。水周兮堂下。捐余玦兮江中。遺余佩兮澧浦。采芳洲兮杜若。將以遺兮下女。豈不可兮再得。聊逍遙兮容與。鼃古朝字遺古時

集注玦如環而有缺。澧水出武陵充縣。注於洞庭。杜若。葉似薑而有文理。味辛。言湘君既不可見而愛慕之心終不能忘。故猶欲解佩玦以爲贈。而不敢顯然致之。但委之水濱。若捐棄失墜然者。庶一通慇懃之念。而幸玦佩之見取也。

周拱辰曰。玦取決別之義。左傳金寒玦離是也。古者君遣臣。遺之以玦。篇中曰輕絕。曰告余以不閒。湘君已隱然棄我矣。然而我敢自棄乎。捐余玦還之。而不敢受也。遺余佩銘德之念。終身佩之。而不敢忘也。杜若一名杜蘅。卽條杜蘅。爾雅所謂楚蘅者也。女嬃媛

風流蕭瑟  
水波木下  
愁緒當與  
水相量

兮爲余太息、蓋神無情而侍者有情、或亦作合之緣、也、所以復有下女之遺、然而未可必也、無限躊躇聊寄之芳洲杜若而已、

右湘君

帝子降兮北渚、目眇眇兮愁予、嫋嫋兮秋風洞庭波兮、木葉下、登白蘋兮騁望、與佳期兮夕張、鳥何萃兮蘋中、昏何爲兮木上、張音煩

集注帝子謂湘夫人、堯次女女英、舜次妃也、愁余主祭者言、嫋嫋長弱貌、秋風起則洞庭生波而木葉下、蓋紀其時也、蘋水草秋生似莎而大、雁所食也、佳佳

人張陳設帷幄也。蘋水草。魯魚網二物所施不得其所以比夕張非地神不來也。

周拱辰曰。招隱云。青莎雜樹兮。蘋草羅靡。又子虛賦。薜莎青蘋。蘋與莎相似。但以大小相異爾。葉長而色老爲青蘋。葉初生而色嫩爲白蘋。佳期夕張。張卽蕙榜。旣張之張。張蕙榜而望神之來也。而乖張分張之意。卽寓其中。所謂黃昏以爲期中道而改路者也。鳥蘋魯木亦何冀乎。舊訓以夕張非地神不來。湘君水神也。卽張幄於水次。何爲非地。下文築室水中亦非地也。何以靈之來兮如雲乎。

此四句中  
縮一字法

拼倒宋儒  
格物

沅○有○芷○兮○澧○有○蘭○思○公○子○兮○未○敢○言○荒○忽○兮○遠○望○觀○流○  
水○兮○潺○湲○麋○何○爲○兮○庭○中○蛟○何○爲○兮○水○滴○朝○馳○余○馬○兮○  
江○臯○夕○濟○兮○西○滋○荒忽一作恍惚音同麋音眉滋音逝

集注麋似鹿而大滋水崖也麋當在山林而在庭中蛟當在深淵而在水滴以比神不可見而望之者失其所也

周拱辰曰思公子兮未敢言含情無盡欲怱然而不能欲進前而不敢也舊訓麋當在山蛟當居淵非是按白虎通麋性惑故諸侯射麋師曠獸經麋性喜澤麋水獸也蛟龍屬然不能致雨而能裂山蓋龍居水

麻姑投擲  
豆皆丹

離騷章木史

卷二

九

蛟居山也。麋水獸而來庭。蛟山虫而泳水。失其居矣。雖然。漸鴻翠狗。鸛鵒鵲。水亦有鳥也。鮒魚綠木。鰈魚登竹。木亦有魚也。靈囿濯濯。齊囿設禁。庭亦有麋也。蛟食鯨虎。虬卵淵伏。滴亦有蛟也。緣木求魚。不得魚。亦道其常耳。冀倖之意。溢于言外。聞佳人兮召予。將騰駕兮偕逝。築室兮水中。葺之兮荷蓋。蓀壁兮紫壇。芻芳椒兮成堂。桂棟兮蘭橈。辛夷楣兮葺房。罔薜荔兮爲帷。擗蕙楊兮旣張。白玉兮爲鎮。疏石蘭兮爲芳。芷葺兮荷屋。繚之以杜衡。合百草兮庭實。建芳馨兮廡門。九疑紛兮並迎。靈之來兮如雲。

壇音善。刳古播字。擗。

典與入其  
玄中

音老楣音眉拊一作孽  
音了衡音杭庶音武迎叶去聲  
音綿絲

集注紫紫貝蘭木蘭檠椽也辛夷樹合抱花初發如  
筆呼爲木筆葯白芷葉也罔結也結以爲帷帳也在  
旁曰帷拊折也楊聯也繚束縛也

周拱辰曰紫壇非紫貝所築漢行宮用紫泥爲壇齊  
梁郊祀歌亦有紫壇卽此也葯芷葉一名蒿麻葉葉  
相對紫色花木攷曰石蘭卽山蘭也庶門逸雅大屋  
曰庶庶撫也覆也并冀謂之房此聞召耳非真召也  
思慕之極若或召我者遽爾築室水中不太蚤計乎  
種種蓋壁壇堂棟檠帷楊鎮屋庭實庶門非築室水

中乃築室於意中耳而更無如意中之九疑何正欲  
經始接帝子之芳隣有從如雲擊公子而徑去扼腕  
又何如哉

捐余袂兮江中遺余襍兮澧浦舉汀洲兮杜若將以遺  
兮遠者時不可兮驟得聊逍遙兮容與襍音牒

集注袂衣袖襍襜褕大旨與前篇同然玦佩貴之而  
袂襍親之也遠者亦侍女也

周拱辰曰湘君之女與湘夫人之女一也一曰女而  
一曰遠者何一嬋媛爲余太息何多情也一紛兮並  
迎迎夫人而徑去若漠不爲予憐惜者然故曰遠也

然而冀倖萬一之思。則未之敢忘也。贈二湘之女。同  
用杜若。不似他處。槩以香草泛言。杜若之爲物。服之  
令人不忘。寧采而贈之。以明其不相忘也。如伯兮安  
得萱草。爰樹之背。是又欲思之而不可得也。與

右湘夫人

廣開兮天門。紛吾乘兮玄雲。令飄風兮先驅。使凍雨兮  
灑塵。君迴翔兮以下。踰空桑兮從女。紛總總兮九州。何  
壽夭兮在予。凍音東灑所宜反塵叶除  
句反下叶音戶予叶音與

集注天門上帝所居紫微宮門也。吾主祭者自稱也。  
君與女皆主神言。君尊而汝親也。空桑山名。子謂神

之自予也。乘玄雲者，知神將降而往迎之也。迨神既降矣，神因自嘆其威權之盛，曰：九州人民之衆如此，何壽天之命皆在於已也。

高飛兮安翔，乘清氣兮御陰陽。吾與君兮齊速，導帝之兮九坑。靈衣兮被被，玉佩兮陸離。壹陰兮壹陽，衆莫知兮予所爲。

坑音崗  
被音披

集注：坑，崗同，山脊也。周禮職方氏：九州之山，稽會恆山、華山、沂山、岱山、岳山、醫巫閭、霍山、恆山也。周拱辰曰：安翔，非安舒之安，卽何所集之意。暗指下九坑言。坑，崗同。郢地志有九崗山，今在松滋縣。導者，

導以降已之地。而已得致其親也。卽適洞庭。望潯陽之思。以潯陽洞庭皆在楚也。

折疏麻兮瑤華。將以遺兮離居。老冉冉兮旣極。不寢近兮愈疏。乘龍兮鞿鞞。高駝兮冲天。結桂枝兮延竚。羌愈思兮愁人。愁人兮奈何。願若今兮無虧。固人命兮有當。孰離合兮可爲。

天叶鉄因反竚叶直  
呂反思去聲何音奚

集注鞿鞞車聲無虧願係志行無虧損也。

周拱辰曰。前曰遺兮下女。曰遺兮遠者。此曰遺兮離居。前遺以杜若。以待女而致其親也。此遺以瑤華。以貴神而致其尊也。南越志。疏麻大二圍。四時結實。無

衰落華色香白服食可致延年故以爲美以贈尊者  
遺兮離居離人世而宸居高不可攀之人也願若今  
兮無虧言願今後永以爲好無相虧蔽也孰離合兮  
可爲人固有命焉孰離合也而可爲乎言離合莫非  
命也正是含愁冀倖語非安命語

周拱辰又曰前曰何壽夭兮在予此曰固人命兮有  
當孰離合兮可爲雖人命離合並舉其意則專主離  
合言也惠迪之吉逆滅之筭賢作之合佞奪之離司  
命之權若是尊乎然而回殤跖者則壽夭無定筭箕  
冰雷漆則離合無定緣離之而合合之而離孰爲爲

怨命無聊  
之極思也

秋蘭兩引  
起作章法  
中多苦語  
不堪多讀

之。而孰爲宰之。問之司命。司命者不知也。豈更有命  
焉。在司命之上。而司命者不能自主乎。此正造物之  
茫茫。未可以理叩。而原所欲更問之天也。與。

右大司命

集注周禮大宗伯以標燎祀司中司命疏引星傳  
云三台上台曰司命又文昌宮第四亦曰司命故  
有兩司命也

穠蘭兮麝蕪。羅生兮堂下。綠葉兮素枝。芳菲菲兮襲予。  
夫人兮自有美子。蓀何以兮愁苦。穠蘭兮青青。綠葉兮  
紫莖。滿堂兮美人。忽獨與予目成。  
穠古秋字麝或從艸  
下叶音戶子叶音與

孫音

集注麋蕪芎藭葉名似蛇床而香其苗四五月間生  
葉作叢而莖細其葉倍香七八月花開夫人猶言彼  
人指神言蕪猶汝爲巫之自汝也  
周拱辰曰按本草蘭爲國香人媚服之古以爲生子  
之祥麋蕪之根主婦人無子少司命主人子孫者也  
憎宗子而愛庶孽斥嫡亂而取螟蛉夫人兮自有美  
子伯奇所以流離申生所以血碧也故秋蘭麋蕪兩  
引之以起興滿堂兮美人忽獨與予目成言稠人之  
中神獨注意於我也目成凝睇貌亦心許貌眼光注

莫悲二  
千言  
都向此  
索摸

自然魂銷

射形未親而神親也。

入不言兮出不辭乘回風兮載雲旗悲莫悲兮生別離。

樂莫樂兮新相知荷衣兮蕙帶儵而來兮儵而逝夕宿

兮帝郊君誰須兮雲之際帶叶丁計反儵音倏

集注誰須言何所待於雲之際乎猶幸其有意而顧

已也。

周拱辰曰悲樂二語側重別離而言然二語合看纔

見言情之苦以為已別離矣而昨日之相知尚新以

為相知伊始耳而生離隨繼夫相知而別離不如不

相知之愈也而况新相知乎一日之內忽新忽故忽

聚忽散。無限啼笑。無憑之感。所謂今宵。剩把銀缸照。  
猶恐相逢是夢中也。含情寫恨。嘆聲壓雲。  
與汝遊兮九河。衝風至今水揚波。古本無此二句。王逸章中語。與女沐兮咸池。晞女髮兮陽之阿。望嫫人兮未當刪去。  
徠臨風。悅兮浩歌。孔蓋兮翠旂。登九天兮撫彗星。悠長劍兮擁幼艾。蓀獨宜兮爲民正。池叶音。旂與旌同。蓀音疎。正平聲。  
集注咸池星名。蓋天池也。晞乾也。孔蓋以孔雀尾爲車蓋。翠旂以翡翠爲旌旗。撫掃除之也。彗星妖星光芒偏指如彗。卽攬搶星國見則主兵戈也。蓀挺拔貌。幼少也。艾美好也。

溫然入情

周拱辰曰、與女沐、晞女髮、非必真也。人生聚散不常、前已生離矣、離而何不可復合乎。蓋依然冀倖新相知之樂焉。其如望嫩人而未來何也。孔蓋考工輪人為蓋、朱氏云、蓋之制上爲部蓋斗也、中爲達常柄通上下也、下爲榘。又曰、蓋之圓以象天也。蓋弓二十有八。孔雀生南海、尾五年而後成。春生夏凋、與花萼俱衰。榮周成王時、方人常列獻於王會、故古者綴之以爲神明之飾。又魏文帝常詔以于闐國所上尾萬枚、爲金根車蓋。周禮五路輦車組輓有翬羽蓋是也。翠翠狗也。埤雅雄赤曰翡、雌青曰翠。形小、身青色、一名

魚虎孟子人少則慕少艾爾雅艾歷也長者更多歷  
 又逸雅五十曰艾艾治也治事能斷割艾刈無所疑  
 也又春秋外傳國君好艾大夫始好內韋昭亦以艾  
 為外色此曰幼艾並指內外巫能斷禍福者言男巫  
 曰覲女巫曰巫也

右少司命

集注按前篇注說有兩司命則彼固上台而此則

文昌第四星與

暉將出兮東方照吾檻兮扶桑撫余馬兮安驅夜皎皎  
 兮既明駕龍輶兮乘雷載雲旗兮委蛇長太息兮將上

此章拾細  
 中有解須  
 參看

此即夜半  
登岱觀日  
出之景須  
於夜皎皎  
三字看出  
為通肖若  
泥既明二  
字便脫神  
矣第三段  
須依此看

心低徊兮顧懷。羌聲色兮娛人。觀者憺兮忘歸。反。明。他。叶。昆。

芒。轉。張。雷。反。上。時。

集注。暾。溫和而明盛也。吾。主祭者自稱也。檻。楯也。輶。

車。輶也。龍形屈曲似之。故以為輶。雷氣轉似雷。故以

為車輪。

周拱辰曰。照吾檻兮扶桑。舊謂光自扶桑來。覺無味。

言吾檻與扶桑相對照也。便見扶桑非高。吾檻非卑。

有舉頭見日。親襲光彩之意。馬。即日馭之馬。古者義

和。為日馭。淮南云。日入虞淵。爰息其馬。是也。晦翁以

馬屬主祭者非是。

絢瑟兮交鼓。簫鐘兮瑤簴。鳴鵲兮吹竽。思靈保兮賢嫗。翺飛兮翠曾。展詩兮會舞。應歷兮合節。神之來兮蔽日。

絢古登反。簴叶其呂反。鵲音池。嫗音戶。翺許緣反。曾與翺同。叶作滕反。節叶音卽。

集注。絢急張絃也。交鼓對擊鼓也。周禮有鐘笙之樂。

注云。鐘笙與鐘聲相應之笙。然則簫鐘與簫聲相應。

之鐘歟。簴懸鐘磬之木也。瑤簴以美玉為飾也。鵲以

竹為之。長尺四寸。圍三寸。一孔上出。橫吹之。靈保神

巫翺。小飛輕揚之貌。曾舉也。又翥飛也。言巫舞工巧。

翺然若翠鳥之舉也。展詩猶陳詩節。謂疏數疾徐之

節也。

青雲衣兮白霓裳舉長矢兮射天狼操余弧兮反淪降  
援北斗兮酌桂漿撰余轡兮高馳翔杳冥冥兮以東行  
射食亦反降行俱叶胡剛反

集注青衣白裳日出東方入西方故用其方色也天  
狼一星在東井南爲野將主侵掠弧九星在狼東南  
天弓也主備盜賊淪降言日下而入太陰之中也北  
斗七星在紫宮南其杓所建周於十二辰之舍以定  
十有二月斟酌元氣運乎四時者也詩云維北有斗  
不可以挹酒漿撰持也

周拱辰曰操余弧矣何以反淪降日色將沈也古有

名理的然  
一洗宿解  
之穢

揮戈使日再中者。此操弧以捍日而日竟沈。故曰反  
淪降也。援北斗兮酌桂漿。日將沈而酌酒遲之。卽書  
所云餞日也。奈我欲近日而日不我畱。何哉。前日照  
吾檻於扶桑。親襲光彩。庶幾慰賓日之思。而操弧反  
淪。灑酒徒勤。亦無可如何矣。與東王司命我欲畱神  
而神不我畱之意。同在在寓怨望之意。亦在在寓冀  
倖之意。撰轡高翔。冥冥東行。其有長夜復旦之思。與  
右東君

集注今按此曰神也。禮曰天子朝日於東門之外。  
又曰王宮祭日也。漢志亦有東君。

與女遊兮九河。衝風起兮橫波。乘水車兮荷蓋。駕兩龍兮驂螭。登崑崙兮四望。心飛揚兮浩蕩。日將暮兮悵忘歸。惟極浦兮寤懷。

叶螭丑知反懷

集注女指河伯也。河爲四瀆長。九河徒駭太史馬頰覆鬴胡蘇簡潔鈎盤鬲津是也。衝隧也。螭如龍黃而無角。河出崑崙寤覺也。懷思也。周拱辰曰衝風颶風也。車有陸車山車澤車水車。卽指南之類。可以越江河者。或曰卽橈類也。寤懷言會寤談心一抒生平之積抱也。樂莫樂兮新相知有懷欲罄故日暮忘歸也。

魚鱗屋兮龍堂。紫貝闕兮朱宮。靈何爲兮水中。乘白鼃兮逐文魚。與汝遊兮河之渚。流澌紛兮將下來。子交手兮東行。送美人兮南浦。波滔滔兮來迎魚鱗。隣兮媵子。  
上聲隣一作鱗  
堂叶音同魚叶

集注子謂河伯交手者。古人將別。則相執手以見不忍相遠之意。美人與子皆巫。自謂也。媵送也。旣已別矣。而波猶來迎。魚猶來送。四顧而不堪回首也。周拱辰曰。紫貝朱仲相貝經貝盈尺。狀如赤電黑雲。謂之紫貝鼃。鼃類大腰純雌。故曰鼃鳴鼃應。蜀都賦其深則有白鼃。命鼃是也。白鼃豐背而有力。尤類之。

作者與注  
者功力悉  
敵不啻博  
而核也

異者文魚卽文鰩。善飛出南海。有翅與尾齊。西山經  
鰩狀如鯉。身鳥翼。蒼文白首。赤喙。候夜飛。音如鸞。選  
江賦。文鰩夜飛而觸綸是也。媵子非僅送子也。卽贈  
嫁意。亦卽離騷君賜香草以與臣別意也。古者一國  
嫁女同姓。二國媵之。儀禮有媵。爵謂先飲一爵。後二  
爵從也。江淮間遊魚必三。如媵從妻。號婢妾。魚隣隣  
言從之衆多。如遊魚之必三。媵子言魚若眷戀我而  
不忍別。卽二湘不得久親。猶冀倖下女之顧我也。夫  
周拱辰又曰。別章怨望語滿楮。而此獨津津焉者。夫  
亦彭咸申徒狄。皆河伯舊知己也。而幸其不我棄乎。

杳然際裏

笑雜涕痕  
可爲疼惜

一遊九河、再遊河渚、何披襟之暢、日夕忘歸、極浦窮  
言、何莫逆之深、交手東行、相送南浦、何眷顧流連之  
靡已、深味語意、非原招河伯、乃河伯招原也、蓋東門  
柿歸、兩靡稅駕、惟有沅湘清波、可了靈均一生結局、  
波滔滔兮來迎、魚鱗鱗兮媵予、河伯固以江魚之腹、  
贈原矣。

右河伯

舊訓以爲馮夷、又曰黃河之神、

若有人兮山之阿、被薜荔兮帶女蘿、旣含睇兮又宜笑、  
子慕予兮善窈窕、乘赤豹兮從文狸、辛夷車兮結桂旗、被

真媚茲苦  
緒

石蘭兮帶杜衡折芳馨兮遺所思余處幽篁兮終不見  
天路險難兮後獨來從才用反遺音異來叶釐

集注若有人謂山鬼也女蘿菟絲也睇微盼貌若有  
人既指鬼矣子則設為鬼神之命人而予乃為鬼之  
自命

周拱辰曰豈無膏沐誰適為容苦語也既含睇兮又  
宜笑子慕子兮善窈窕苦語之轉語也若曰子之窈  
窕庶乎可以當子之慕矣以色事人而徘徊不進之  
意隱然言外女蘿廣雅云松蘿也細長無雜蔓帶女  
蘿蘿青而長如帶即用以為帶也豹有玄豹黑豹白

豹、赤豹、山海經春山多赤豹。詩云、赤豹黃熊。陸機疏云、尾赤而文黑。謂之赤豹。狸口方而身文。黃黑彬彬。蓋次於豹。又善搏。爲小步以擬度焉。其發必獲。謂之狸步。文狸亦取文雅之義。古者王大射。則射人以狸度。張三侯。卽文雅之義也。路險難兮。後獨來。鬼自言來之獨後。無奈此路之多險耳。惟黨人之偷樂兮。路幽昧以險狹。路險難。鬼亦有黨人也。而阻我乎。

表獨立兮山之上。雲容容兮而在下。杳冥冥兮羌晝晦。東風飄兮神靈雨。畱靈修兮憺忘歸。歲既晏兮孰華予。

下叶音戶  
子叶音與

桑悅曰讀  
山中一人  
段如入深  
徑無人覺  
古木枯藤  
皆有異致  
○劉辰翁  
曰此篇若  
思若怨若  
宕飄搖無

搜音

采三秀兮於山間。石磊磊兮葛蔓蔓。怨公子兮悵忘歸。  
君思我兮不得閒。山中人兮芳杜若。飲石泉兮蔭松柏。  
君思我兮然疑作。雷填填兮雨冥冥。猿啾啾兮夜鳴。  
風颯颯兮木蕭蕭。思公子兮徒離憂。  
又柏叶蘇合反蕭叶

集注表特也。靈脩謂前所欲媚者。  
周拱辰曰。諺云。春東風。雨祖宗。言西風多晴。東風多  
雨也。歲既晏兮孰華予。非悲知我之希言老冉冉其  
將至而修名不立。非靈修之華予也。誰望乎明欲畱  
靈脩以此。

賴騷魂有  
心才鬼

商騷才具

卷二

三

集注三秀芝草也公子卽所欲畱之靈修玃猿屬離  
羅也

周拱辰曰芝草歲三花論衡云芝生於土土氣和有  
五色故芝草有三秀怨公子兮悵忘歸所謂思我懷  
人置彼周行也我之思君幾于不閒矣而曰君思我  
兮不得閒歸其思于君亦以自誘其思云爾隨曰君  
思我兮然疑作又曰思公子兮徒離憂君思有歇我  
思無已怨不已而思思不已而復怨矣

右山鬼

集注國語云木石之怪夔罔兩豈謂此耶

此篇懷楚  
敢夫字字

周拱辰曰。國殤禮魂。亦預禋祀者。蓋國殤捐生殉  
國。禮魂以禮正終。尾東王諸神。後而蒸嘗之。非瀆  
也。若云夔罔兩。則邪魅矣。豈有祀正神。而濫呼邪  
魅同食之理。亦豈原所託以自喻者乎。篇中曰。披  
石蘭兮帶杜衡。曰。山中人兮芳杜若。此何如正氣。  
又何如高潔。豈夔罔兩能乎。愚謂山鬼卽山神。與  
河伯水神正配。楚地如太和衡岳大小西諸巨山。  
無論卽如屈原幽居玉笥山。亦豈無鬼神司之者。  
概以魑魅罔兩目之。悞矣。

操吳戈兮披犀甲。車錯轂兮短兵接。旌蔽日兮敵若雲。

悲壯如聞  
胡笳聲令  
人泣下亦  
令人起舞

矢交墜兮士爭先

接叶音匣  
先叶音詢

集注戈平頭戟也。犀甲以犀皮爲鎧也。考工記犀甲

壽百年短兵刀劍也。

周拱辰曰考工記句兵欲無彈又曰句兵棹句兵戈

戟屬無彈而棹吳工最良薛冶稱吳鈞可知也又廬

人凡守國之兵欲長攻國之兵欲短短兵者攻擊之

兵也車錯轂車戰也詩曰元戎啟行車在軍前啓行

突陣也矢交墜兮士爭先兩軍相對彼此各射住陣

脚然後出馬交綏也車戰之法備太公六韜左氏兵

法中。

凌余陣兮。躡余行。左驂殪兮。右刃傷。霾兩輪兮。繫四馬。援玉枹兮。擊鳴鼓。天時懟兮。威靈怒。嚴殺盡兮。棄原壘。

馬行叶胡郎反。殪於計反。霾與埋同。繫陟力反。

集注殪死也。援枹擊鼓言志愈厲氣愈盛也。嚴殺猶言鏖戰痛殺也。

周拱辰曰。風而雨土曰霾。霾晦也。言戰塵迷瞶不辨車輪也。馬所以駕車。王肅曰。古者一轅之車。夏后氏駕兩馬。謂之麗。殷益以一駢。謂之驂。周人又益以一。謂之駟。左傳云。兩驂之旅。詩云。駟牡駢駢。指此也。車霾矣。馬若爲之繫縛者然。陣潰驂殪。刃傷輪繫。猶然。

援枹擊鼓者何卽左傳所云矢集面而鼓音不絕者是也

出不入兮往不返平原忽兮路超遠帶長劍兮挾秦弓  
首雖離兮心不懲誠旣勇兮又以武終剛毅兮不可凌  
身旣死兮神以靈魂魄毅兮爲鬼雄雄弓叶音經

集注帶劍挾弓猶不舍武也懲創艾也雖死而心不悔也

周拱辰曰考工記弓有六材取必以其時材美工巧  
惟秦擅也故稱秦弓漢賈雍爲豫章守與敵人戰喪  
元猶帶弓環甲挾馬歸營問衆將曰有頭佳乎無頭

與古非胸  
有千卷不  
能

佳乎衆將曰有頭佳。雍腹語曰無頭亦佳。離騷曰雖  
解體吾猶未變兮。豈予心之可懲。此曰首雖離兮心  
不懲。原寫國殤亦以自寫。  
周拱辰又曰戰敗於生前。鬼雄於死後。此厲鬼也。何  
以享之。曰臣力竭矣。而無如天時之懟我何也。如秦  
詢妖夢。晉師折北。越得歲星。吳國興尸。其君是惡。其  
民何罪。原情卹節。祀典所不廢也。又况馬革裹尸。碎  
元殉國者乎。仲尼曰能執干戈以衛社稷。可無殤也。  
是故功上者與星辰食。功次者與山川食。又次者與  
社稷食。

右國殤

集注國殤謂死於國事者爾雅曰無主之鬼謂殤

成禮兮會鼓傳芭兮代舞嫋女倡兮容與春蘭兮秋鞠

長無絕兮終古鞠一作菊

集注芭與葩同巫所持之香草也代更也春祠以蘭

秋祠以菊卽所傳之芭也

周拱辰曰前曰國殤乃爲國而死者也此曰禮魂迺

鄉先生之賢有功德於桑梓而俎豆之於瞽宗者成

禮言致其敬致其物也儀物備矣禮旣成矣然後會

鼓獻祝傳芭代舞也嫋女倡兮容與舊以女子爲優

淡削是屈  
子自作招  
魂

倡者非按嫖女卽巫女倡卽倡曰有鳥自南之倡發歌聲也舞矣而又倡之以歌所謂歌舞是也總之以鼓爲鈞節故曰鼓之舞之以盡神又曰饗乎鼓之軒乎舞之是也春薦蘭秋薦菊紉蘭食菊之魂或亦鑒而來享乎

右禮魂

集注一作祀或曰禮魂謂以禮善終者

周拱辰曰舊謂以禮善終者非是蓋指事神成禮者言也

姚寬曰歌以九名而載十一篇何也曰如七啟七

發以數名之非以章名耳

馮覲曰精神慘惋辭復騷豔喜讀之可以佐歌悲  
讀之可以當哭清商麗曲備盡情態矣

陳深曰沅湘之間其俗尚鬼祭祀則令巫覡作樂  
諧舞歌吹爲容其事陋矣自原爲之緣之以幽渺  
涵之以清深琅然笙匏遂可登之俎豆  
周拱辰曰按沈亞之屈原外傳屈原被放棲玉笥  
山九年作九歌托以諷諫至山鬼篇成四山忽啾  
啾若啼嘯聲聞幾里外一時草木皆萎今讀之良  
然滿腔幽怨觸耳球琳幾于花笑鶯歌亦復燐青

猿語

離騷草木史卷之三

古橋李周拱辰孟侯注

海寧葛惠保邇周參閱

吳江顧樵樵水

六世孫 踴潛以清

七世孫

東杰 植材 佳材 楚榮 相榦

重校刊

天問

周拱辰曰、民今方殆、視天夢夢、天之所以有憾。天

曰。

遂古之初。誰傳道之。上下未形。何由考之。其昭晉聞。

也。幾乎。云爾。選於物。而知所貴。而帝以臨之。予以奉厥。嚴  
稟。凜乎。袞。鉞。旨也。稱天以問之。猶之稱天以治之。  
無知也。則已。其有知也者。而佞者以慚。忠者以起。  
將毋同調之慨也乎哉。匪直此也。千古以上人而  
之。招魂也。呼千古以上人而與之。徘徊笑與之。慟哭  
曰。小招。大招。屈原之招魂也。天問。古今帝王卿相  
屈原蓋借天以大其問。亦借問而大其天也。與或  
之所以爲天也。賢必以而忠必報。天久矣。其細矣。

問詞也

篇中語多  
不經當時  
稗官之記  
猶多後人  
不見指為  
怪妄耳

明闇胡塗  
不成世界

誰能極之。馮翼惟像。何以識之。曹莫鄧反  
馮皮冰反

集注遂往也。上下謂天地冥昭。即晝夜。膏闇言晝夜

之未分。馮翼氣浮動貌。淮南云。天地未形。馮馮翼翼

周拱辰曰。遂古之初。無古也。有古則有可傳。無古矣

又何傳。斯時輕清未形。幽明未剖。又何由考之而極

之而識之。靈憲經曰。太素之前。幽清玄靜。寂寞冥默

不可形像。厥中惟虛。厥外惟無。斯為冥滓。曰天問。此

非問於無天可問也。既有天地之後。與未有天地之

前。無之非天云爾。

明闇闇。惟時何為。陰陽三合。何本。何化。化為叶虎  
為反

穀梁已非  
援引更繆

集注穀梁子獨陰不生、獨陽不生、獨天不生、三合然  
後生、一卽是本、兩卽是化、

周拱辰曰、明明闇闇、明者成其明、闇者成其暗也。此  
不專指晝夜言、天地日月星辰皆是。斯時非猶上所  
云無形無像之時也、已朗然拓出一世界、凡山河大  
地、草木禽魚、帝王賢聖、都有生身、托命處、故曰惟時  
何爲時也者、天地萬物之命、帝王賢聖之師也、長之  
而元會運世、短之而寒暑晝夜、紛紜變化、人事由起  
豈茫茫一空殼之宇宙已乎、陰陽三合、何本何化、非  
一神兩化之說也、有長女、有中女、有少女、三陰也、有

長男有中男有少男三陽也。蓋乾坤列彼此之位。六子成交配之功。震巽同宮。坎離互體。山澤通氣。三陰三陽合同而化也。元辰紀言陰陽之氣各有多少。如太陰爲正陰。太陽爲正陽。次少者爲少陰。次少者爲少陽。又次爲陽明。又次爲厥陰。三陰三陽故曰陰陽三合也。三陰三陽爲標。寒暑燥濕風火爲主。天真元氣分爲六化。以統乾坤生成之用。卽本化之說也。又合靈樞太素經證之自了然矣。

圖則九重孰營度之。惟茲何功。孰初作之。幹維焉繫。天極焉加。八柱何當。東南何虧。度待洛反。幹一作莞。並音管。焉於虔切。篇內並同加。

如叶音基又如字虧  
如字又音苦加反

周拱辰曰。圓則九重。卽所云天之門以九重也。孰經  
營而億度之。又此九重者。馮何功力而造作之。周天  
三百六十五度。五百八十九分度之一。百四十五半  
覆地上。半在地下。左迴右旋。運行不息。如磨蟻然。有  
不動者。以爲動之綱。其幹軸維繫。究在何處。天極者。  
南極北極也。北極出地三十六度。恆見不隱。南極入  
地三十六度。恆隱不現。此何所交加而默奠之也。地  
下有八柱。名山大川。孔穴相通。又神異經。崑崙有銅  
柱。其高入天。所云天柱也。圍三千里。周圓如削。此一

枉其八柱之一乎。抑衆柱之魁乎。當者抵當撐持之。謂俗云地缺東南。非真缺也。特東南低陷耳。地勢有高下。理自如此。

周拱辰又曰。圖則九重。卽九天。古稱九天。曰中天。羨天。從天。更天。睟天。廓天。咸天。沈天。成天。是也。按利山人圖云。第一重天。無星轉動。帶入重天。一日作一週。自東而西。第二重二十八宿天。七千年作一週。自西而東。第三重填星。卽土星天。二十九年一百五十五日。二十五刻作一週。第四重歲星。卽木星天。十一年三百一日三十七刻作一週。第五重熒惑。卽火星

天。一。年。三。百。二。十。一。日。九。十。三。刻。作。一。週。第。六。重。日。  
輪。天。三。百。六。十。五。日。二。十。三。刻。作。一。週。第。七。重。太。白。  
即。金。星。天。三。百。六。十。五。日。二。十。三。刻。作。一。週。第。八。重。  
辰。星。即。水。星。天。三。百。六。十。五。日。二。十。三。刻。即。一。週。第。  
九。重。月。輪。天。二。十。七。日。三。十。一。刻。作。一。週。自。二。重。至。  
八。重。皆。自。西。而。東。也。天。極。焉。加。者。天。包。乎。地。彼。此。相。  
應。天。有。南。北。二。極。地。亦。有。之。天。分。三。百。六。十。度。地。亦。  
同。之。天。中。有。赤。道。自。赤。道。而。南。二。十。三。度。半。爲。北。道。  
據。中。國。在。北。道。之。北。日。行。赤。道。則。晝。夜。平。行。南。道。則。  
晝。短。行。北。道。則。晝。長。直。行。北。方。者。每。路。二。百。五。十。里。

山川紆回  
不依此論

古來司歷  
者皆用線  
以測日月  
星辰之躔  
度即義和  
之遺法也

中國望南  
極不見割

覺北極高出一度。南極低入一度。直行南方者。每路二百五十里。覺北極入低一度。南極出高一度。又云。自大西洋浮海入中國。至晝夜平線。已見南北二極。皆在平地。略無高低。道轉而南。過大浪山。已見南極。出地三十二度。則大浪山與中國相爲對待矣。又用緯線以著各極出地幾何。蓋地離晝夜平線度數。與極出地度數相等。但在南。則若南極出地。在北。則若北極出地。故視燕冀隔中線以北四十度。則知燕冀北極高四十度。南都離中線以上三十二度。離福島以東一百三十度。視大浪山隔中線以南三十六度。

離騷草木史

卷三

五

則知大浪山南極高出三十六度。又墨丸臘泥國盡  
在南方。惟見南極出地。而北極常藏矣。可見南北二  
極原平等相對。地有升沈。非極有隱見也。焉加者。加  
於地所乘之位也。茫茫南北。日月所不照者有矣。安  
得章亥之步而悉之。東南何虧。列子云。渤海之東有  
大壑焉。實為無底之谷。東南虧陷以此。

九天之際。安放安屬。隅隈多有。誰知其數。  
放上聲數所自反

集注放至也。屬附也。隅角也。

周拱辰曰。安放安屬。言何所界限。何所托根。猶象山  
所云。天安在何處也。淮南云。天有九野。九千九百九

反音

天

何所沓。十二焉分。日月安屬。列星安陳。  
沓徒含反屬之欲反分數

實無定隅。又誰窮其數乎。

十九隅。予謂天圓地方。地有四游。觸著便成方隅。而

集注日月所會謂辰。一歲日月十二會。所會爲辰。十一月辰在星紀。十二月辰在玄枵之類是也。若以地而言。則前後左右亦有四方十二辰之位焉。但在地之位。一定不易。而在天之象。運轉不停。惟天之鶉火。加於地之午位。乃與地相合。而得天運之正耳。蓋周天三百六十五度四分度之一。周布二十八宿。以著

天體而定四方之位。以天繞地。則一晝一夜。適周一匝。而又超一度。日月五星。亦隨天繞地。而惟日之行。一日一周。無餘無欠。其餘則皆有遲速之差焉。靈憲經曰。星也者。體生于地。精成于天。列位錯峙。各有攸屬。斯言當矣。

周拱辰曰。天何所沓。沓者。重沓之謂。亦交沓之謂。天之中有地。地之中有天。猶易所稱絪縕磨盪是也。十二辰支干相配。起于甲寅。而天道周矣。二十八宿以是分。而天之躔度不忒。東西南北以是分。而地之方向不迷。歲以是分。而年不亂。月以是分。而時不易。晝

夜以是分。而人知度。十二律以是分。而禮樂興。然是  
十二之所分也。有分十二者。須問之太乙。日月之屬。  
屬有繫屬之義。所謂黃道赤道。循環運旋。日月麗乎  
天也。有分屬之義。天一生水。地二生火。一結胎於離。  
一結胎於坎。一屬奇而專。司晝。一屬偶而專。司夜也。  
又有轉屬之義。日往則月來。月往則日來。日行每疾。  
月行每遲。日施耀而精燿。月借魄而光燦。所謂日月  
自相統屬也。衆星布列。其以神著有五列焉。是謂三  
十五名。一居中央。謂之北斗。布於四方。爲二十八宿。  
中外之宮。常明者百二十有四。可名者三百二十。爲

真是雖聖  
人有不知  
須更問之  
如山人何  
如

青馬才月

卷三

星二千五百。微星之數。萬一千五百二十。凡帝王卿  
相人事。庶物昆虫。咸係命焉。陳者。陳設也。分度分野。  
森然布列也。又陳示也。天垂象。現吉凶。稽飛流實忒。  
順逆伏現。以察機祥是也。又星經云。天無體。以二十  
八宿爲體。而衆星依以錯布。周禮保章氏掌天星。以  
星土辨九州之地。所封畿域皆有分星。以觀妖祥。議  
者謂周在中土。而星之應在南。魯在東。而星之應在  
西。齊在東。而星之應在北。似無可考。然覈傳記所載  
十三國災祥之應。皆徵驗不爽。又有外夷之星。徵應  
乃在中國。不知其何道理也。

出自湯谷。次于蒙汜。自明及晦。所行幾里。  
湯音陽一作  
蒙汜音似上

集注尚書宅隅夷曰湯谷。爾雅西至日所入爲太蒙。  
周拱辰曰。此問日也。湯谷蒙汜。皆地上川穴之名。日  
從地出。從地隱也。乃問地上所歷之州舍近遠。而朱  
晦翁漫以天上躔度答之。太無謂。蓋日行空中。而所  
過之步。則有方所。猶飛鳥不着地。而所過之影。則涉  
某山某水。程途近遠。歷歷可數也。淮南云。日出於暘  
谷。浴於咸池。登於扶桑。至於曲阿。至於曾泉。至於桑  
野。至於衡陽。至於昆吾。至於鳥次。至於悲谷。至於女

紀。至於淵虞。至于連石。至于悲泉。至于虞淵。至于蒙  
谷。自晨明至定昏。凡行九州九舍。有五億萬七千三

百九里。

夜。光何德。死則又育。厥利維何。而顧菟在腹。菟與兔同

集注。月本無光。日耀之。乃光。光之所生。日在其傍。故

光側。而所見。纔如鈎耳。日漸遠。則斜照。而光始滿。對

照。則正圓也。陽烏顧兔。乃日月之魄。

周拱辰曰。此問月也。月爲太陰之精。亦順天左旋。一

日常不及天十三度。有奇。不及日十二度。有奇。積二

十七日。有奇。而與天會。積二十九日。有奇。而與日會。

其月光向背亦以行度之遠近漸次爲增減又周脾  
日日猶火月猶水火則施光水則含影月光生於日  
所照魄生于日所蔽當日則光盈近日則明盡此夜  
光死育之說也然何以月光新育時或半仰上或半  
覆下或側東向或側西向月光無常豈日照之光亦  
無常乎其中盈虧向背必有至理古今人未有發之  
者存疑可耳顧免在腹舊訓免常居月之腹夫免爲  
月魄不居月而誰居何必贅問厥利之維何乎愚謂  
言厥利者非免魄居月腹爲利乃滿萬川之月在滿  
世界之免之腹故利也免望月而生免腹中隱然懷

紫叶音

一。月。矣。顧。兔。受。胎。于。月。猶。伯。禹。受。胎。于。鯀。問。中。伯。禹。  
腹。鯀。乃。倒。句。法。言。伯。禹。爲。鯀。所。腹。也。且。兔。望。月。纔。可。  
言。顧。兔。若。月。中。之。兔。又。何。所。顧。望。乎。如。泥。執。兔。常。居。  
月。之。腹。則。謂。伯。禹。常。居。鯀。之。腹。中。可。乎。或。曰。爾。雅。翼。  
言。天。下。兔。皆。雌。顧。兔。爲。雄。故。皆。望。之。以。直。氣。往。往。八。  
月。之。望。月。明。則。是。歲。兔。多。月。暗。則。是。歲。兔。少。吾。謂。此。  
與。羸。蛤。蟪。蟹。視。月。盈。虧。正。同。亦。氣。感。之。理。然。爾。兔。自。  
有。雌。雄。豈。專。視。月。乎。  
女。支。無。合。夫。焉。取。九。子。伯。強。何。處。惠。氣。安。在。夫。音。扶。強。  
巨。良。反。在。

周○拱○辰○曰○女○岐○神○女○非○指○羿○時○縫○裳○者○言○不○夫○而○孕○  
九○子○一○乳○而○生○釋○典○號○九○子○母○昔○女○媧○無○夫○乃○生○男○  
爲○顓○頊○生○女○爲○女○登○似○類○此○遂○古○至○此○洪○荒○既○闢○矣○  
天○地○既○奠○矣○日○月○星○辰○既○麗○矣○至○此○漸○漸○生○出○人○來○  
纔○成○世○界○子○謂○九○子○乃○人○類○之○種○女○岐○乃○生○育○之○母○  
也○伯○強○惠○氣○風○屬○上○指○日○月○星○此○專○言○風○也○黃○帝○風○  
經○調○暢○祥○和○天○之○喜○氣○也○折○楊○奔○厲○天○之○怒○氣○也○又○  
曰○風○者○氣○也○得○怒○之○氣○則○暴○得○喜○之○氣○則○和○得○金○之○  
氣○則○涼○得○木○之○氣○則○溫○得○火○之○氣○則○炎○得○水○之○氣○則○  
烈○淮○南○云○強○隅○不○周○風○之○所○生○也○窮○奇○諸○稽○提○攝○廣○

漢風條風之所生也。不周風居西北。律中應鐘。氣主  
肅殺。廣漠居北。律中黃鐘。條風居東北。律中太簇。黃  
鐘胎養萬物。太簇出生萬物。皆主生。所云惠氣者是  
也。

何闔而晦。何開而明。角宿未旦。曜靈安臧。闔何臘反。明

秀臧與  
藏同

集注角宿東方星。隨天運轉。不常在東。

周拱辰曰。開闔不出陰陽兩字。陽升則開。陰凝則闔。  
一童子能知之。何以問乎。曰。何闔何開。有深義焉。易  
曰。閤戶謂之坤。開戶謂之乾。一闔一闢謂之變。往來

不窮謂之通。合四句。纔盡開閤之義。閤而開。開而閤。閤中有開。開中有閤。此問萬古之開。閤非僅指一日之開。閤言也。月令圖經云。天陰。天陽。陰中有陰。陽中有陽。平旦至日中。陽中之陽也。日中至黃昏。陽中之陰也。合夜至雞鳴。陰中之陰也。雞鳴至平旦。陰中之陽也。晦明之分。候亦如之。然晦明之候。亦有遲速參差。不同。性理通鑑云。陽多陰少。日未昇而先明。日已暝而未晦。是開數多于閤數也。又天地以開。閤分晦明。而晦明實不可分。蓋均一天地也。日照則明。照沒則閤。猶之均一室也。燭照則明。燭滅則暗。燭有明暗。

而一室無明暗。此又晦明不相凌奪之義。所謂道並  
行不相背也。角宿未旦，角宿居東，上則天田，周鼎下  
則玉衡四星。左則平道，天門右則進賢，天平屬辰位。  
二十八宿歌云：兩星南北正直著，中有黑道上天田。  
雙雙橫于庫樓上，是也。晉志：十二次分野，始角亢以  
東方蒼龍爲之首也。角星隨天東轉，始旦，角宿未旦，  
時正夜晦，此時日藏在何所乎？山海經：常陽之山，日  
月所入，淮南云：日落棠山，經于細柳，正言日光爲山  
所遮蔽，非真入地也。穹天論云：日繞辰極，沒西而還  
東，不出入地中。又震澤長語云：天行健不息，如磨之

郭瑛推律  
一行布算  
非僅如鄒  
衍談天之  
戲論已也

劈破天荒

旋自東運而南、南而西、西而北、以爲昏明寒暑。日月  
運而出沒。五緯隨而起伏。列舍就之隱現。南爲明都、  
天體所見。日月五星。至是則明。北爲幽都、天體幽隱。  
日月五星。至是則晦。日月五星。至北都而晦。亦非天  
入於地也。若天入于地。則日月隨之地之下。爲日月  
所照。是地下又有一世界。其說荒矣。愚謂二十八宿  
周天均布。太陽逐日會合。逐月遷移。一歲之中均歷  
周徧。胡得入地中爲也。其最著者。日在箕斗。箕斗在  
天河。日入地時。星河皆入地。耶。豈日獨入地而星河  
獨在天耶。審如是。河皆入地。則七八月間。河漢猶顯。

之論聖人  
復起不易  
斯言

離騷草木史

卷三

主

日正東西出沒。初夜則河漢東北西南向曉則東南  
西北是知河漢不入地而隨天運行。日之向曉與箕  
斗會亦猶是也。此邱長春之論與程涓之論度越前  
人又與穹天論合。大足破日藏地中之繆。始不孤屈  
原之一問於萬古也。

不任汨鴻。師何以尚之。僉曰何憂。何不課而行之。

汨音尚

叶音常行  
叶戶朗反

集注汨治也。鴻大水。師衆也。

周洪辰曰。上言天地風氣。日月星辰。此專言水。而因  
及治水之人也。黃帝書曰。天在地外。水在天外。故曰

爲中段殺  
爲鯀白冤  
於此埋根  
○孔儀行

天地之間水爲大、水浮天而載地者也。洪荒以前、不可知。開闢以後、獨堯九年之水最害。書曰、懷山襄陵、又曰、蕩蕩洪水、方割、蓋中土爲帝王自立之區宇、而鴻水若與帝王爭中土、此亦自開闢以來一小洪荒也。堯時金木水火土皆有官、此時議治水之官亦大難其人。四岳薦鯀、以能堪此任也。豈意其不任乎師、何以尚之。師官屬所云雲、師鳥師是也。尚優薦之也。以爲治水之才無出其右也。課核其實也。不任矣。何以尚之。非真貶鯀也。言洪水爲患、帝諮四岳舉鯀、命爲司空、俾乂四岳、豈敢以匪人誤國哉。鯀爲高陽氏

父何以無  
貶詞修春  
秋者為之  
後也即此  
意

南騷才史

卷三

三

子○以○才○以○望○舍○繇○其○誰○故○薦○之○耳○然○恃○才○望○而○方○命○  
圯○族○帝○且○咈○之○矣○僉○曰○何○憂○哉○有○繇○在○然○四○岳○何○不○  
課○其○實○而○欲○帝○之○遽○試○其○謀○耶○天○下○儘○有○其○人○有○才○  
而○用○違○其○才○因○以○債○事○者○責○四○岳○以○寬○堯○也○因○以○寬○  
繇○也○繇○為○高○陽○氏○子○屈○原○為○高○陽○氏○苗○裔○在○在○為○繇○  
出○案○有○由○然○爾○俗○謂○堯○因○四○岳○之○舉○不○得○已○而○用○之○  
夫○聖○人○之○舉○動○乃○亦○有○不○得○已○者○哉○誤○矣○  
鳴○龜○曳○銜○繇○何○聽○焉○順○欲○成○功○帝○何○刑○焉○  
鳴處脂反  
聽叶平聲  
周○拱○辰○曰○鳴○龜○曳○銜○經○稱○繇○湮○洪○水○傳○稱○繇○障○洪○水○  
國○語○又○稱○其○墮○高○堙○卑○蓋○鳴○龜○曳○銜○繇○障○水○法○也○繇○

睹鴟龜、曳尾相銜。因而築爲長堤，高城參差綿亘。亦如鴟龜之曳尾相銜者然。程子曰：「今河北有鯀堤，而無禹堤。」通志曰：「堯封鯀爲崇伯，使之治水，乃與徒役作九仞之城。又淮南云：「鯀作三仞之城。諸侯背之。史稽曰：「張儀依龜跡築蜀城，非猶夫崇伯之智也。卽其證。按楊雄《蜀本紀》言：「張儀築成都城，依龜跡築之。龜殼猶在，軍資庫宇文遇云：「比常爲主庫吏，見龜殼長六尺，依龜築城。儀襲鯀智，大抵然矣。順欲成功，言順此治水，未必不成功。帝何以必加之刑耶？」永遏在羽山。夫何三年不施，伯禹腹鯀，夫何以變化。

叶施

所加反又化叶虎一作弛腹一作摩

集注羽山在東海中施謂刑殺之也左傳曰乃施邢

侯腹懷抱也詩曰出入腹我

周拱辰曰書稱殛死猶言貶死實未嘗殺之則永遏

在羽山似乎永不施矣而曰三年何也公羊注古人

疑獄三年而始定三年不施永不施矣惟有永遏之

已耳遏之云者遏抑之使不得再用易所稱遏惡揚

善卽此意國語欒懷子之出使執政欒之臣勿從從

欒氏者爲大戮施又惠公殺里克而悔之曰芮也殺

我社稷之鎮及文公入秦人殺冀芮而施之註陳尸

精確是禹  
受禪后稱

曰○施○也○腹○產○也○。○鯀○實○產○禹○。○迹○禹○聖○德○。○不○但○近○邁○厥○父○。○  
抑○且○遠○紹○列○辟○。○何○以○變○化○。○若○是○神○異○乎○。○變○化○猶○言○邁○。○  
種○左○傳○竇○封○言○范○氏○中○行○子○。○而○曰○人○之○化○也○。○何○日○之○  
有○言○祖○孫○之○榮○賤○無○常○也○。○水○經○注○羽○山○在○東○海○祝○其○  
纂○。○縣○南○印○春○秋○所○稱○夾○谷○是○也○。○  
纂○就○前○緒○。○遂○成○考○功○。○何○績○初○繼○業○。○而○厥○謀○不○同○。○  
周○拱○辰○曰○。○鯀○九○載○罔○績○。○而○曰○纂○前○緒○。○成○考○功○者○何○也○。○  
正○以○有○前○緒○。○可○因○禹○所○爲○。○成○功○之○易○也○。○禮○經○云○。○禹○能○  
修○鯀○之○功○。○然○則○鯀○非○無○功○。○仲○尼○亦○許○之○矣○。○况○人○子○無○  
私○功○。○人○子○之○功○。○皆○父○之○功○。○猶○經○稱○徐○方○既○同○。○天○子○之○

功。玄圭告成。而歸功厥父。亦孝子之夙心焉。爾可知。

有緒可纂。即是功緒。非其功之半乎。猶之織布縷者。

後半之布。縷成前半之布。縷與俱成矣。

洪泉極深。何以寘之。地方九則。何以墳之。泉疑作淵。唐本避諱而改。

之也。寘與真同。則一作州。墳。叶敷連反。

周拱辰曰。按洪水滔天。宜曰極大。而此曰極深。似不

泛。指洪水言也。晦翁以泉為淵。淵字避唐諱而改之。

極。是列子云。洪水淵。數有九淵。鯢旋之潘為淵。潘音大。

魚蟠桓。止水之潘為淵。流水之潘為淵。濫水之潘為

淵。沃水之潘為淵。沈音軌。水。泉。水之潘為淵。雍音擁。

從旁出也。

決出出還水之潘爲淵。汧音牽水之流。水之潘爲淵。復入也。肥水所出水之潘爲淵。是爲九淵之極深者。禹乃息。肥異爲肥。土填之爲名山。指此也。九則者。九州也。帝嚳制九州。至堯洪水時。經塗界限。漫滅莫理。洪水旣治。故道宛然。左傳茫茫禹跡。畫爲九州。非禹始創畫之也。言襄陵之勢旣夷。而九州之界限復井然隆起。歷歷可稽也。墳卽左傳澆地。墳言高起似墳也。周拱辰又曰。淵極深。何以填。九州湮沒。何以墳。此有大謀。畫大幹旋在世。儒都云水極深而填之。使夷。九州湮而水旣平。則復現。何言之易也。按息壤記云。禹

神禹治水  
女媧鍊石  
力量正同  
兩日何以  
始知弩力  
千勵非虛  
發也

湮洪水至荆。有海眼泛溢無恆。禹乃鑄石造龍之宮。  
寘于穴中。以塞其水脉。又禹黃帝中經。天柱山號宛  
委。有書金簡玉字。禹乃東巡。登衡山。殺白馬以祭之。  
夢玄夷蒼水使者。謂禹曰。欲得我簡書。知導水之方  
者。齋于黃帝之宮。三月更求之。禹如言求之。果得其  
文。始知四海之根。百川之理。遂依言導之。而水大治。  
此與下應龍事同一神靈。可知填之填之。皆神啟之。  
謀而佐以八年人事之勞苦。所云人謀鬼謀。力量政  
與女媧鍊石補天同一奇異。此原所爲懷疑千古而  
一問之天也。

應龍何畫河海何歷。畫音或歷  
叶音勒

周拱辰曰有翼而飛者爲應龍。恭邱山有應龍。昔蚩尤禦黃帝帝令應龍攻于翼之野。女媧之時乘畜車服應龍。應龍之爲帝馭舊矣。此應龍指禹時事言。傳稱禹治水有應龍以尾畫地流泉。博物志云夏德之盛二龍降之禹使范成光馭之行四域。抱朴云禹乘二龍郭支爲御二龍乃應龍也。畫地者疏水之脉使水由地中行也。嶽竇經堯時九年洪水巫支祈爲孽蓋水妖也。應龍驅之淮陽龜山足下其後水平乃放應龍於東海之區。又呂氏春秋大禹巡水東至搏木

日出九津。鳥谷青山之鄉。南至丹栗沸水之際。西過三危之阨。巫山之暇。北至大正之谷。夏海之窮。積水積石之間。未嘗暇息。至於歷中國之某河某海。又不足言矣。

周拱辰又曰。古岳竇經。禹治水三至桐栢。驚風迅雷。禹怒。召百靈。命應龍搜逐之。乃獲淮渦水神。名無支祈。形若猿猴。縮鼻高額。青軀白首。金目雪牙。頸伸百尺。力踰九象。搏擊騰疾。倏忽不可久視。禹授之童律。不能制。授之烏木田。不能制。授之庚辰。庚辰持戟追獲頸鎖。大索鼻穿金鈴。徙之淮陽之龜山。足下山海。

今確勝續  
諸志

父子功罪  
畢竟千古  
疑案憑弔  
慨然

自不任汨  
鳩至此凡

經云、水獸好爲雷雨。禹鎖之于軍山之下。其名巫支  
祈。卽其物也。唐時有御史欲見此孽。出罪人徧摸其  
鎖。抓得之用牛六十四頭以盤車拽鎖出之。鎖將盡。  
怪躍空中。大叫一聲如霹靂。鎖連人牛俱沒。都御史  
唐公世濟親爲子言之。唐公會爲淮陽御史。非誣也。  
何所營。禹何所成。康回憑怒墜。何故以東南傾。唐公  
地字。鑿古。反皮。

集注康回其工名

周拱辰曰。鯀之營也。何術。禹之成也。何功。鯀之治水。  
也。龜之禹之治水也。龍之鳴呼成敗之造鯀。禹豈鯀。

七段一一  
爲縣洗罪  
原蓋邇祖  
德也借康  
帛縣大開  
生面

禹之能爲成敗耶。地何故以東南傾。語云。天地亦有  
缺陷。蓋指天地以言人事也。其工與女媧爭帝。怒而  
觸不周之山。折天柱。絕地維。天傾西北。地陷東南。女  
媧誅殺其工。鍊石補天。而不能鍊石。補地何也。能斷  
鰲足。立四極。而不能立。東南之極。又何也。則謂地之  
傾。非康回傾之。而女媧傾之。亦可爾。此是荒唐不可  
致詰。語非真。謂有其事。而詰之也。細味語意。大似借  
康回之怒。代鯀貢憤者。然所云天高不能寄怨。地厚  
不能埋愁。謂天地缺陷。至今可如何哉。嗟乎。盛氣瀰  
天。厚土不能載。康回之怒。積憾化物流水。不能洗崇。

千年恨血  
嘆聲壓雲

伯之冤恨血成碧精靈至今良可悼矣。  
九州安錯川谷何滂東流不溢孰知其故。  
安一作何錯  
七故反滂音

集注水注海曰川注川曰谿注谿曰谷  
周拱辰曰帝嚳制九州按孔安國注一冀州帝都不  
說境界一梁州東距華山之陽西據黑水一兖州東  
南據濟西北距河一青州東北至海西南距岱一徐  
州東至海南至淮北至岱一揚州北至淮東南至於  
海一荊州北距荊山南至衡山之陽一豫州西南至  
荊山北距大河一雍州西據黑水東距河龍門之河

消受至理  
子厚之答  
戲論耳

在冀州之西、錯者如犬牙相制然也、川谷何滂、滂深也、宇宙內有九淵極深、如所稱海眼是也、列子渤海之東、有大壑焉、實無底之谷、東流不溢、舊爲歸墟受之、之說所誤、晦翁以水流東極、氣盡而散、如沃焦釜、無有餘遺、楊升庵以歸墟尾閭是水之大窮盡、大升降處、猶未確然、子嘗見善飲者至十石不醉、私自念言、腹僅貯十斗餘、而所受踰十倍、非其量之能受、乃其量之能消、卽釋典所云消受也、東流不溢、妙處不在能受、而在能消、所以爲造化之神、柳子厚又謂萬水趣東、復轉流歸西、循環不停、所以無泛溢之患、更

還他不知  
強解者都  
似非是

寐矣。水猶人身之血脉。涕唾也。豈有今日所棄之唾。  
復食之爲明日之唾者乎。天地間皆水火也。陽燧照  
而火焰。方諸照而水流。雖停也。匪預儲其源。雖費也。  
不耗竭其本。溢與不溢之故。雖海若不能知。而况人  
乎。

東西南北。其脩孰多。南北順墮。其衍幾何。  
墮一作  
隋音妥  
集注墮。謂狹而長也。衍。餘也。

周拱辰曰。廣雅神農度四海內。東西九十萬里。南北  
八十一萬里。夏禹所治四海內地。東西二萬八千里。  
南北二萬六千里。淮南云。禹使太章步自東極。至於

西極二億三萬三千五百里、使豎亥步自北極、至於南極、二億三萬三千五百里、張衡靈憲經八極之維、徑二億三萬三千三百里、南北則短減千里、東西則增廣千里、此倣太章豎亥之步、而爲之言者也、郝子稱中國外、如中國者九、裊海環之、語似閎大不經、夫地亦廣且大矣、然有形必有盡、而徐州之見、東不踰海、西不踰崑崙、北不踰沙漠、於以窮天地之廣狹、不亦難乎、利山人輿地全圖云、天有南北二極、地亦有之、天分三百六十度、地亦同之、並徵地每度廣二百五十里、則地之東西南北數略相等、計各地一週有

九萬里實數。地厚二萬八千六百三十六里。皆生齒所居。其餘荒汜不能知矣。四方之修與南北之曠大約相符。未必南北狹東西長也。蓋本星極以准天度。本天度以准地度。其言信而有徵也。

崑崙

崑崙縣圃。其尻安在。增城九重。其高幾里。

縣音玄  
尻音居

周拱辰曰。尻尾脊骨。莊子曰。浸假而化。子之尻以爲輪是也。張子房赤霆經。以崑崙面目背腹。膀胱髓脾。屬中國某山某水。而以背脊毳鬣屬幽寒。莫可知之。鄉然此問玄圃之尻而泛以中國混答之非也。按十三洲說。崑崙山東接積石圃。西北接北戶之室。東北

臨大活之井。西南至承淵之谷。此四角大山。實爲崑崙之支體。又曰。崑崙有三角。正西名玄圃臺。以此按之。則縣圃脊尾蓋在承淵之谷北戶之室之間也。又水經注。三成爲崑崙。下曰桐樊。中曰玄圃。上曰增城。增城乃崑崙絕頂。淮南稱崑崙高一萬里。郭景純稱自上至下二千五百餘里。十三洲說稱高三萬六千里。依淮南三成數之。則增城高三千六百六十六里。依郭景純三成數之高九百餘里。依十三洲說三成數之。則高一萬二千里也。譬如人身。頭至髀與足爲三停。縣圃其尻。桐樊其足。增城則其首也。揣一節而

知全體之大。按頭顱而悟肌幹之隆。譬之見獅首而  
知其蹄之大。見龍頭而知其尾之修。正形容崑崙之  
巨。有不可以言盡者。解者槩以崑崙全身渾蒼之誤  
矣。

四方之門。其誰從焉。西北辟啟。何氣通焉。

辟闢同  
一作開

周拱辰曰。淮南云。崑崙四百四十門。門間四里。里間  
九純。純丈五尺。北門開以納不周之風。

日安不到。燭龍何照。羲和之未揚。若華何光。

周拱辰曰。大荒經。祭河婁之西。無睨之東。無有日月  
光。山海經。西北海之外。章尾山有神。人面蛇身而赤。

身長千里。是爲燭龍。淮南云。燭龍龍身一足。是燭九  
幽。試問燭龍所銜之燭。爲何物乎。抑燭龍全身是火。  
龍卽是燭乎。羲和堯臣。主日馭者。大壑傳云。南荒有  
地。日草三足鳥。欲下食此草。羲和叱鳥而不停轡。若  
木在建木西。世紀云。灰山之野。有樹青葉赤華。號曰  
若木。事文類紀。西北之國。日未出時。有若木赤華照  
地。光華倍日。一借照燭龍。晝常昏暗。一若木普光。夜  
光常明。同一宇宙。何明暗不均。若是懸乎。

何。所冬煖。何所夏寒。  
周拱辰曰。遠遊南州炎德。桂樹冬榮。又大招南有炎

此問天地  
間一大氣  
候也禹所  
經歷與山  
海經所載  
穆天子所  
至皆在荒  
服四裔之

火千里、又招魂北方層冰戕戕、飛雪千里、又代水不  
可涉、白天灝灝、寒凝凝、只皆騷自注、又炎海有沃焦  
山、冬夏常沸、山爲之焦、又神異經、南方有炎火、淮南  
云、崑崙之邱、或上倍之、是謂涼風之山、又水經注、崑  
崙爲無熱邱、  
周拱辰又曰、細案問意、非問地也、問時也、人知中國  
之地、寒燠無定、不知天地間各地之冬夏之寒燠、亦  
無定、利山人輿地圖經云、以天地分山海、自北而南  
爲五帶、一在晝長晝短二圈之間、其地甚熱、帶近日  
輪故也、二在北極圈之內、三在南極圈之內、此二處

外然則冬  
煖夏寒豎  
儒必拘中  
國一隅真  
井底之見  
也

離

騷才具

卷三

三

地俱甚冷帶遠日輪故也。四在北極晝長二圈之間，  
五在南極晝長二圈之間，此二地皆謂之正帶不甚  
冷熱日輪不遠不近故也。凡同緯之地其南北二極  
出地數同則四季寒暑亦同。若兩處離中線度數相  
同但一離南一離北則四季晝夜刻數均同惟時相  
反耳。此之夏為彼之冬則此之極熱為彼之極寒日  
輪遠近不齊南北之氣候亦異。此固至理不可誣也。  
焉有石林何獸能言。

周拱辰曰：道書崑阜山生瑤筍，千年一芽，鬱然成林。  
又拾遺記：須彌山第六層有五色玉樹，蔭翳五百里。

今世無介  
鳥獸兩類  
官廢矣

焉。

有虬龍負熊以遊。

言者夥矣。

也。周禮命夷隸掌鳥言。命貉隸掌獸言。然則獸之能

狄有狗國。有蛇國。有人魚國。有鼠王國。皆獸也。皆言

國。鳥獸能言。又紀祥錄。黃帝至東海。白澤人言。又夷

不獨猩猩也。狒狒善笑。作人言。角端人言。又含塗之

蜀地志。蜀山有石筍如林。在中岩山。半獸之能言者。

洞五百里。有石如木。挺立數仞。枝榦皆備。亦開花。又

玉樹。石色如玉也。又海外紀。石林山在東海之東。深

周拱辰曰。虬本龍種。故曰虬龍。似龍而無角者也。熊

雄猛而形軀甚小。述異記：陸居曰熊，水居曰能。虬相負以遊，蓋神熊也。山海經：熊山有穴焉，熊之穴恆出神人。卽此也。又案江淮有獸名熊，熊龍蛇之精也。虬龍負熊，亦氣類然乎？

雄

虬九首，儻忽焉在何所不死。長人何守。

應許偉反

周拱辰曰：按大荒經，崑崙之北，柔利之東，有相抑氏九首人面蛇身。又廣雅：北方有民焉，九首蛇身，名曰相繇。意相抑卽相繇也。招魂云：往來倏忽，吞人以益其心。蓋怪蛇之食人者。博物志：開明九首，畢方人面九首，皆此類。神異經：不死民在交脛東，爲人黑色，壽

不死。又無啓之國。在長股東。其人穴居食土。死卽埋之。其心肝不朽。死百廿歲。乃復更生。抱朴子云。乘雲璽。產之國。肝心不朽之民是也。又員嶠山有陲移國。人長三尺。壽萬歲。長人不獨防風氏。左傳僑如。緣斯焚如。榮如。簡如。同守。鄭瞞之國。皆是。又康回頭觸不周柱折。維缺。比身橫九畝者。又過之矣。又洞冥記。支提國人長三丈二尺。又河圖玉版。龍伯國人長三十丈。

靡萍九衢。臬華安居。靈蛇吞象。厥大何如。  
萍一作萍。臬音徒。  
集注九衢。其枝九出。山海經有四衢之語是也。臬。麻

之有子者、山海經浮山有草、其葉如梟、又曰、南海有  
巴蛇、身長百尋、食象、三年而出其骨、  
周拱辰曰、靡萍九衢、言其枝葉爲衢道、猶今言花五  
出六出也、言浮萍三衢、蘋雖大四衢而已、九衢而大  
於蘋、非常萍也、如楚江萍、實之類、非仲尼不辨其爲  
王者瑞萍、實兆楚之霸、屈原所爲侈言之也、古史堯  
使羿斷脩蛇於洞庭、洞庭、南楚澤名、近巴陵、以爲巴  
蛇之死、其骨爲陵、按今岳陽城外、有巴蛇廟、已而廢、  
又有象骨山、以爲巴蛇暴象骨之所、其旁有湖、曰象  
湖、

黑水玄趾三危安在延年不死壽何所止

周拱辰曰山海經黑水之西有朝雲之國司莩之國又冥海北有黑河淮南云三危在樂民西又自崑崙流沙沈羽西至三危之山玄趾無考意卽所云玄股之國是也廣博物志黑河之藻可以千歲三危之露可以輕舉又三危金臺石室食氣不死然豈遂與天地相畢乎雖幸延年終歸有盡猶楞嚴所稱十種仙人之類何所止言畢竟有止否云爾真誥云黃帝火九鼎而塚於橋山夏禹服靈寶而葬於會稽大舜餌白琅而偃駕蒼梧穆王飲絳髓而築墓汲郡豈非遵

生死之正命。示始終之有限哉。嗟乎。棄家剛十載。羨  
遼鶴之纔歸。天上。葬神仙。悲彭殤之同盡。此原所爲  
一。若慕之一。若痛之。而託遠遊之不果也。

鯨魚何所。魃堆焉處。羿焉蹕。日烏焉解羽。鯨音陵。魃音祈。堆多同。反音。

蹕說文云射也音畢。鳥柳云當作鳥。

集注鯨魚四足似鼉而短小。出南方。山海經。西海中  
近列姑射山。有鯨魚。人面人手。魚身。北號山有鳥狀  
如雞而白首。鼠足。名曰魃。雀食人。

周拱辰曰。羿焉蹕。日二句。舊訓抹却焉字。而曰羿射  
九日。九鳥墮其羽。非也。二焉字。卽魃雀焉處焉字。問

禹

詞也。言十日並出，羿卽神射，豈能發而參天乎？以何術而射落九日也？且蹲而發矢之地，何地也？日落而鳥落矣，爲是一矢而連九鳥乎？爲是九矢落九鳥乎？爲如魯陽揮戈日畏其誠而鳥自落乎？日輪大幾州舍，則鳥之大亦如之，爲復鳥解羽而羽毛散於空中乎？抑遍敷大地乎？星實爲石，而日實化爲何物乎？且鸞何木爲弓？鑄何金爲矢乎？或曰：鳥以風化，水經注流沙積羽之鄉，殆指是也者乎？按史補堯時羿射落九日有功，天下相傳祀爲宗布。禹之力獻功，降省下土方焉，得彼兪山女而通之于台。

桑。閔。如。匹。合。厥。身。是。繼。胡。爲。嗜。不。同。味。而。快。鼃。飽。功。土。叶。

一作朝陟遙反飽與繼叶疑有備音鼃

集注書曰娶于塗山辛壬癸甲嗜不同味不與如同

飲食鼃飽猶左傳所云薺食

周拱辰曰正欲獻功乃野合而通塗山之女正爾初

婚卽辭室而甘朝飽之勞謂是爲國乎不應顧其私

圖謂是爲私乎旋已移之勤國人疑聖人之舉動不

可常情測而不知禹之大孝故不可測也以厥身是

繼其本情爾禹之厥身豈管堯所任治水之身哉廼

繇所望子以纂緒而成父志之身亦禹所日夜涕泣

思立功而贖父愆之身也。是則通塗山之女，以爲親也。卽舜不告而娶之隱情也。三過門而呱呱之泣，弗聞快朝飽而獻功之念，仍亟亦以爲親也。卽幹蠱代白父冤之極思也。一產啟而報親報君兼舉之矣。下段卽言啟事，豈非神禹忠孝之一大幸哉。水經注禹娶塗山氏女，女思戀本國，築臺以望之。今安邑縣禹都是也。其臺基尚存，鼃飽者卽乘橈，睥食勞人飯星。遊子夜中飯之說也。

啟代益作后。卒然離蠶何啟惟憂而能拘是達。  
蠶一作

孽並魚反

周○箕○辰○曰○離○蠱○一○云○啟○與○有○扈○大○戰○於○甘○一○云○益○干○  
啟○位○啟○殺○之○然○越○絕○書○何○以○云○啟○善○犧○于○益○也○按○說○  
文○蠱○一○云○妖○孽○不○祥○也○炎○帝○之○繼○太○昊○高○陽○之○繼○金○  
天○高○辛○之○繼○高○陽○虞○之○繼○唐○夏○之○繼○虞○皆○以○異○姓○禪○  
者○也○啟○獨○排○父○之○所○薦○以○自○帝○衆○共○指○爲○不○祥○也○一○  
云○蠱○歌○謠○也○子○輿○所○云○天○下○之○謳○歌○者○不○謳○歌○益○而○  
謳○歌○啟○是○也○皆○匪○夷○所○思○故○曰○卒○然○惟○啟○能○克○憂○勤○  
敬○承○繼○禹○故○私○一○家○之○傳○不○爲○逆○天○違○先○人○之○薦○不○  
爲○背○父○也○開○闢○以○來○官○天○下○之○局○一○變○爲○家○天○下○之○  
局○遵○承○至○今○豈○非○天○心○厭○後○世○篡○盜○神○器○之○多○而○啟○

之深謀遠慮。有以承天心於默示乎。故曰。啟惟憂而拘是達也。

皆歸歟。籒而無害厥躬。何后益作革。而禹布降。射籒一作音

叶菊一作鞠降胡攻反

周拱辰曰。射籒未詳。宜闕。何后益句。單指益事。革。廢革也。播降。猶言滋植。卽播百穀之布。言益廢而禹祚滋長也。曹大家言。皋陶之子伯益。仲長統昌言。秦益後。益卽皋陶子。非也。按。皋陶之後。封於六。秦趙皆伯益後。竹書紀年。禹薦皋陶於天三年。先卒。始薦伯益。左傳亦云。皋陶庭堅不祀。忽諸。又先儒言。皋陶刑官。

雪亮

千古痛語

周書才

卷三

三

所以無後。則益非臯陶子明矣。益未曾為君。何以稱。后。益按上言啟代益作后。則當時已擬益為君。啟若代之云爾。

啟棘賓商。九辨九歌。何勤子屠母而死。分竟地。歌叶巨

叶音低

集注棘當作夢。商當作天。以篆相似而誤也。其意本謂啟夢上賓於天而得帝樂以歸。如列子史記所言。周穆王秦穆公趙簡子夢之帝所。而崑鈞天廣樂九奏萬舞之類耳。淮南云。禹治水時。自化為熊。以通轅轅之道。塗山氏見之而慚。遂化為石。時方孕。啟而曰。

歸我子。於是石破北方而啟生。其石在嵩山。竟地。卽化石也。

周拱辰曰。前曰啟代益作后。又曰。卒然離蠶啟之得天下亦艱矣。夢中獲天樂以歸。寤而耽樂焉可乎。九辨九歌。卽夢中所獲之天樂。離騷。啟九辨與九歌。是也由是。夏康娛以自縱。五子用失家。荷皆啟貽謀之不善。爾屠母而死。分竟地。弔母也。亦以弔啟也。言彼但知得天樂於意外之樂。而竟忘母當年剖石之痛。良可嗤矣。

周拱辰又曰。勤子屠母。舊訓禹勤之屠之非也。正問

合禹一家  
母子祖孫  
夫婦圖作  
一大黑漆  
燈籠真吐  
咄怪事

孰。為。勤。之。而。孰。為。屠。之。也。天。也。勤。子。慰。勞。邴。贈。之。意。  
卽。指。天。樂。之。賜。言。言。何。以。於。啟。則。譙。以。天。樂。於。塗。山。  
則。窆。以。荒。石。也。且。縣。沒。羽。淵。化。熊。禹。通。轅。轅。化。熊。塗。  
山。氏。慚。而。化。石。化。石。無。情。矣。而。有。情。之。與。無。情。庸。愈。  
乎。天。於。父。子。也。用。其。子。而。棄。其。父。於。母。子。也。庇。其。子。  
而。死。其。母。為。是。憫。乃。祖。之。冤。而。酬。其。孫。乎。為。是。旌。厥。  
父。之。勞。而。私。其。子。乎。十。日。出。門。不。一。沾。夫。婦。之。樂。產。  
孩。卽。逝。不。一。享。母。子。之。歡。極。人。生。之。死。生。哀。樂。極。天。  
道。之。子。奪。變。幻。至。禹。一。家。而。怪。誕。莫。詰。矣。問。天。而。天。  
亦。何。以。荅。之。乎。

帝降夷羿。革孽夏民。胡。舫。夫。河。伯。而。妻。彼。雒。嬪。反。妻。食。七。  
反計

集注河伯化爲白龍、遊於水傍、羿見射之、眇其左目、  
又羿夢與洛神宓妃交、  
周拱辰曰、洪興祖言、射河伯、妻洛妃者、何人乎、乃堯  
時羿、非有窮羿也、然此曰革孽夏民、堯羿而何以能  
革孽夏民也、且白龍魚服、原係有窮羿事、堯時羿射  
九日、夏時羿自射河伯、不相蒙也、羿革孽夏民、何以  
歸之帝降、言雖夷羿之造孽、實天藉手、羿以降禍、夏  
民、爾射河伯、妻洛嬪、味何射而妻、語意蓋一串事、言

如五矢連發一不可解  
札真不可解  
能代為解

南馬車才只

卷三

三

羿既射河伯矣。雒嬪亦水神。卽河伯眷屬也。不與之  
仇。而反與之婚。何耶。河伯而魚服。宓妃而行露。不可  
解者一也。戕其主伯。聘其如侶。不可解者二也。一憑  
技。而好殺一畏威。而薦姻。不可解者三也。訴上帝而  
以爲無罪。狎靈妃。而以爲固然。不可解者四也。凶而  
嗜淫。抑又甚焉。而播毒夏民。偃然盜帝。不可解者五  
也。

馮珧利決。封珧是。耿何獻。蒸肉之膏。而后帝不若。馮珧音

音姚。珧許豈反。耿叶

集注。馮滿也。珧弓名。以蜃甲爲之。決猶閫也。以象骨

爲之。舛豨薦膏。欲以享帝。

周拱辰曰。禮天子玉琫而珣珌。士琫琫而珣珌。許叔重以爲蜃甲。所以飾物。上古之世。剡耜爲耒。摩蜃而耒。摩其殼使利。以爲用也。決。卽決拾之決。詩云。拾以皮爲之。著於左臂。以遂弦。決著於右手大指。所以鈎弦開體。馮珣利決。言引蜃弓以決射也。封豨是射。堯時羿殺豨。獠射封豨。夏羿亦射封豨。又古史稽。夏王命羿射封豨之皮。征南之的。曰中。予萬金。不中。削中邑。獻蒸肉之膏。言犧牲肥腍之備物。馮技盜位。而帝不受享。穢德之薦。帝弗福也。天怒淫慝。逆取而順守。

之得乎。泥娶純狐眩妻爰謀何羿之射革而交吞揆之。反謀悲

據舊注則  
泥為羿之  
婿矣何以  
謀殺婦翁  
乎

純狐羿妻  
非泥娶也  
泥殺而娶  
之耳舊注  
荒謬拾細  
可參

集注泥娶純狐氏女眩惑愛之遂與謀殺羿射革禮  
所謂貫革之射左傳所云蹲甲而射穿七札者言有  
力也交吞揆交進而吞謀之也  
周拱辰曰純狐羿妻泥殺羿而娶之生澆及豷騷云  
泥又貪夫厥家是也羿有窮氏子年二十習弓矢慕  
古羿之為人亦名羿射白龍射封豨稱絕技焉弧矢  
吉甫羿之師也所射無脫名反為羿所掩而桃棗之

觀此則羿妻再嫁浞矣。奔月之說豈不荒唐。纔是交吞。

擊乃出受教之逢蒙。逢蒙殺羿。浞教之殺也。交吞揆之。亦好還之天道然哉。革非貫革之革。前云后益作革。又云。革孽夏民。革變易也。言羿篡夏而浞殺之。天易其疾矣。浞又弑其帝自立。伯靡又率斟灌之師殺之。羿去而又進。一羿羿為浞所殺。而浞又見殺於人。何交相吞噬仇仇相伏乎。此卽國策螳螂黃雀與挾彈隨後之說也。然爰謀者浞妻也。貽浞害者亦浞妻也。語曰。眩妻煽禍信矣。

阻窮西征。巖何越焉。化為黃熊。巫何活焉。

集注。鯀化為熊。國語化為黃能。能三足。鯀東海人祭。

禹廟不用熊及鰲、鯀死三載不腐、剖以吳刀、化爲黃龍、

周拱辰曰、阻窮西歸、則驅之東也、羽山在東裔、言鯀罪在不赦、無西歸之日也、山海經青要之山、北望禪渚、禹父之所化、酈道元曰、鯀化羽淵、而復在此、然已變怪亦無往而不化矣、卽越巖之說也、左傳晉侯夢黃熊入于寢門、子產對曰、昔堯殛鯀于羽山、化爲黃熊、以入于羽淵、實爲夏郊、三代祀之、晉爲盟主、或者未之祀乎、晉侯祀之、又商次于伾山、因祭之、周則封杞、卽以祀之、巫何活焉、言鯀旣化爲異物矣、何以死

猶求食。令後世巫祝。猶凍凜若生事之也。

咸播秬黍。蒲藿是營。何由並拔。而鯨疾脩盈。  
秬音巨。蒲一作黃藿。

音九一作藿

集注。秬黍。五穀之良也。蒲水草。藿與萑同。左傳。萑苻之澤。

周拱辰曰。秬黍。黑黍也。一籽二米。和氣所生。王者用以釀酒。為秬鬯。言今日第豐草。而五穀播殖。雖子能幹蠱。謂非崇伯先驅之勞。不可。何以當年必正其投裔之罪。令其長蒙惡聲乎。原蓋悼鯨罪之不見。邴而代為懟舜之語。若此。

死情可挹  
共理不可

陽○離○爰○死○大○鳥○何○鳴○夫○焉○喪○厥○體○弗音弗陽伴  
白○蜺○嬰○弗○胡○爲○此○堂○安○得○大○良○藥○不○能○固○滅○天○式○縱○橫○

集注列仙傳崔文子學仙于王子儁子儁化爲白蜺  
嬰弗持藥以與文子文子驚怪引戈擊蜺因墮其藥  
仰而視之則子儁尸也須臾化爲大鳥飛鳴而去天  
式天道也  
周拱辰曰嬰弗謂閃蔽也易曰婦喪其茀茀謂車之  
障蔽女子用以蔽形者言化蜺而若隱若現形不顯  
露也于是文子驚怪引戈擊蜺擲藥陽死化鳥飛去  
神仙怪幻事有然者舊訓天式縱橫而曰天法有善

即天

風神確不

陽離爰死。而曰人失陽氣則死。非是天式者。天道神通也。言子僑既得縱橫變化之術。故顯神通。因文子之擊。陽為死耳。陽死者。佯死也。化鳥飛鳴。夫豈厥體之喪。而真死乎。

萍號起雨。何以興之。撰體脅鹿。何以膺之。

萍一作萍號平聲脅音協

集注萍翳雨師名號呼也。天撰十二神鹿一身八足兩頭。何以膺受此形體也。

周拱辰曰。山海經。萍翳在東海之北。神獸也。兩手各操一蛇。左耳貫青蛇。右耳貫赤蛇。黑面黑身。號則雨至。時人謂之雨師。乃雨神也。撰體句未詳。愚謂即風

伯也。晉灼曰：飛廉，鹿身，頭如雀，有角，而蛇尾，豹文。漢應邵曰：飛廉，神禽也。身似鹿，能致風氣，蓋風神也。神禽而鹿身，不尤怪乎？何以與之？何以膺之？怪之也。亦神之也。王叔師以爲天上神鹿，一身八足，兩頭。按博物志：兩頭鹿，謂之荼首。出雲南，亦無八足之說。此曰：攝體脅鹿，乃形體之似鹿者耳。以爲真鹿，非是。釐戴山：抹，何以安之？釋舟陵行，何以遷之？釐音教，戴一作載，抹音弁。

安叶一先反

集注：擊手曰抹，事見列子。釋舟陵行，無考。

周拱辰曰：列子，渤海之東，有大壑焉，實惟無底之谷。

飛相往來  
非釋舟陵  
行而何王  
通訓龍釋  
自而陵行

其中有五山焉、一岱輿、二員嶠、三方壺、四瀛洲、五蓬萊、其山高下、周旋三萬里、其頂平處九千里、山之中間、相去七萬里、以爲隣居、其上臺觀皆金玉、禽獸純縞、琅玕琪樹、叢生華實、食之皆不老不死、所居之人皆仙聖之種、一日一夕、飛相往來者不可數焉、五山之根、無所連著、隨潮上下、不得暫時、帝命禹強使巨鼇十五、舉首而戴之、迭爲三番、六萬歲一交焉、五山始峙、又史記云、方丈瀛洲蓬萊三神山、在渤海中、蓋常有至者、仙人及不死之藥皆在焉、鼇戴山抃、何以安之、言鼇雖大、不大於蓬瀛之山也、何以首戴之而

兩層發出  
非案

商賈車才具

卷三

三

抹舞且安置之直至六萬歲一交也。釋舟陵行。卽指  
仙聖飛相往來之事。言五山在渤海中。與人世隔億  
萬里。何以仙聖之種。一日一夕。不藉舟楫。飛相往來。  
且史記又言人常有至者。騎浪乎。騎雲乎。何以遷之。  
言何術之神。而能凌空徑渡也。安得踏神山。揖仙聖。  
而一問之乎。直使人有跨海觀日。訪藥蓬萊之興。雖  
然。人無仙骨。而妄想闖蓬徐福之舟。知其孟浪也已。  
惟澆在戶。何求于嫂。何少康逐犬。而顛易厥首。女歧縫  
裳。而館同爰止。何顛易厥首。而親以逢殆。  
叶一當以反字殆

澆五弔反  
音叟易上

文氣似倒  
注甚賈串  
明朗舊訓  
猜謎耳

集注女歧、純狐氏之子婦、蚤寡、純狐氏、卽涎之所因  
羿室而生澆者、

周拱辰曰、沈約竹書注、少康使汝艾謀澆、初涎娶純  
狐氏、有子蚤死、有婦曰女歧、寡居、澆強圉、往至其戶、  
佯有所求、女歧爲之縫裳、同舍止宿、汝艾夜使人襲  
斷其首、乃女歧也、澆旣多力、又善害人、艾乃攻獵、放  
犬逐獸、因噬澆顛、隕、乃斬澆以歸、兩段文氣倒、而意  
實融貫、顛易厥首、指誤殺女歧言也、親以逢殆、指逐  
犬顛殞澆首言也、言汝艾夜襲殺澆、爲少康討叛也、  
卽以除蒸嫂之凶也、乃顛易女歧之首、澆似可僥倖、

逃○死○矣○而○卒○不○免○少○康○逐○犬○之○阨○逆○賊○之○無○逃○于○天○  
誅○也○若○此○

湯○謀○易○旅○何○以○厚○之○覆○舟○斟○尋○何○道○取○之○  
苟○反○此○

集○注○仲○康○崩○相○繼○立○依○同○姓○諸○侯○斟○灌○斟○鄩○氏○爲○澆○  
所○滅○晦○翁○云○湯○是○康○字○謂○少○康○也○

周○拱○辰○曰○一○成○一○旅○能○收○夏○衆○康○可○爲○善○謀○者○矣○向○  
非○虞○思○之○君○娶○以○二○姚○錫○之○綸○邑○百○端○匡○植○當○澆○使○  
椒○求○康○之○時○殆○矣○卽○幸○而○免○難○亦○爲○庖○正○止○耳○安○能○  
收○燼○滅○浞○祀○夏○配○天○乎○何○以○厚○之○以○旌○虞○也○覆○舟○舊○  
作○覆○國○之○義○解○之○非○是○按○全○史○稟○伐○斟○鄩○大○戰○于○濰○

覆其舟滅之。是實有覆舟事也。相既遭覆溺之禍。宗社幾殞矣。而少康復取之。豈無道而至此。其間觀變俟時。強力忍詬。潛圖密慮。經營四十年。而天命嘿爲挽回其道得也。張廣漢曰。其潛也。若蛟龍之深藏。其發也。若雷霆之震迅。惟其時也有旨哉。

喜 桀伐蒙山。何所得焉。妹嬉何肆。湯何殛焉。

得叶徒力反  
妹音末嬉音

周拱辰曰。蒙山何得。得妹嬉也。帝王世紀。桀日夜與妹嬉及宮女飲酒。置妹嬉膝上。好聞裂繒之聲。發萬繒裂之以適其意。故曰桀之亡也。以妹嬉愚。謂不盡。

事僻而核  
湯伐桀不  
誅桀而獨  
誅妹嬉當  
年自有深  
意今日纔  
明

然也。按竹書紀年，桀命扁伐山戎，得女子二人，曰琬、曰瑗。愛之而無子，斲其名於苕華之玉。苕是琬，華是瑗。而棄其元妃于洛，曰妹嬉氏。以與伊尹交，遂以亡夏。又國語：妹嬉比伊尹，是妹嬉以棄而亡國，非以嬖而亡國也。曰何所得前得妹嬉，後得琬與瑗乎？曰妹嬉何肆，已失寵而公然與伊尹交，以賣國，則肆甚矣。湯所以禽桀，待以不死而亟誅妹嬉，不舍也。歸其罪于妹嬉，所以寬其辜以存桀也。與舜閔在家，父何以鯀堯不姚告二女何親？  
鯀古頑反  
叶音矜

厥萌在初，何所意焉？璜臺十成，誰所極焉？

周拱辰曰、韓非云、紂爲象箸而箕子怖。以爲象箸不盛羹於土簋。則必犀玉之杯。犀玉象箸。必不盛菽藿。則必旄象豹胎。旄象豹胎。必不衣短褐。而舍茅茨之下。則必錦衣九重。高臺廣室。聖人見微以知箸。見端以知末也。璜臺十成。而曰誰所極。言紂之侈奢至瑤宮璇室。高至于雲。奢亦極矣。亦知卽初念之萌。極之乎。語曰。止濫觴者。窒其穴。去高木者。揉其蘖。言謹微也。雖然。桀紂者。奢之師也。而奢不止。是也。韓非曰。人之欲。至爲天子極矣。而師桀紂。未必以天子爲足也。由是翠華私幸。由是跨海觀日。由是鞭笞四夷。由是

收良殉葬。由是求藥蓬萊。竭天下之財。為漏卮。猶可。言也。傾祖宗之社稷。為漏卮。而嫁民于他姓。不可。言也。由此觀之。桀紂之奢。猶為儉矣。後人而笑後人。可勝既哉。

借媧討娶  
關係不小

登立為帝。孰道尚之。女媧有體。孰制匠之。媧反古

周拱辰曰。舊訓登立為帝。屬伏羲非也。人皇以上。燧人以下。帝者多矣。何以專指伏羲乎。愚謂即指女媧。說女媧伏羲氏妹。自古皆以男子。帝天下。女媧獨以女子為天下君。豈女媧自擅而自立之乎。抑伏羲以天下私。不傳之子。不傳之弟。不傳之臣。獨傳之妹乎。

傳妹事今  
口觀聞

又豈女媧聖德。遠邁羣帝。羣臣百姓自在從之乎。孰  
道尚之。言稟何道德。天下翕然尊尚之也。按女媧生  
而神靈佐太昊。正婚姻。是爲神媒。其工作亂。振滔洪  
水。以禍天下。女媧誅殺之。都于中皇之山。鍊五色石  
以補蒼天。斷鼃足以立四極。殺黑龍以濟冀州。積爐  
灰以止淫水。又作笙簧以通殊風。用二十五絃之瑟  
於澤邱。以郊天侑神。乘雷車。駕應龍。登九天。朝帝於  
靈門。淮南所云考其功烈。上契九天。下契黃墟者也。  
傳言女媧風姓。本伏羲言之。不知妣媧。雲姓古聖人  
帝天下。有不襲姓者也。河圖挺佐輔云。女媧牛首蛇

身宣髮玄中記伏羲龍身。女媧蛇身。牛首虎鼻。蓋人  
之形有同物者。今相家者流。取象禽獸之形體者。是  
也。孰制匠之言。孰冶鑄之。而貌之怪異若此也。女子  
帝。天下前有媧。後有壘。開闢以來。所未有。扶綱常而  
警伏雌。可少此屈原之一問哉。

吳獲迄古。南嶽是止。孰期去斯。得兩男子。迄許反  
集注南嶽是止。竄荆蠻而採藥也。兩男子。太伯仲雍

緣也。鵠。飾玉后。帝是饗。何承謀夏桀。終以滅喪。一無夏字。喪去聲。

湯伐桀心  
事今日纔  
明仲允釋  
慚覺多一  
重公案

周拱辰曰、舊謂湯承用伊尹之謀滅桀、自來無以君  
承臣之說、語氣亦直致無文、且終以二字、如何著落  
言伊尹烹鵠鳥之羹、盛玉鼎薦之、而干湯、於是湯用  
尹爲心膂、尹始承湯密謀以事桀、而終以滅桀也。竹  
書十七年、商使伊尹來朝、呂氏春秋、湯欲伊尹往觀  
曠夏、恐其不信、乃自射伊尹、伊尹奔夏三年、聽於妹  
嬉之言、以告湯、湯良車七千乘、必死六千人、以戊子  
戰於郟、遂禽桀、伊摯就桀、湯實命之、承謀者承湯之  
命爲桀謀也。始、冀桀之有悛心、而桀卒以怙惡、湯亦  
不能爲之庇矣。始輔之、卒滅之、聖人舉動、若是兩截

乎。

帝乃降觀。下逢伊摯。何條放致罰。而黎服大說。摯音哲說音悅

周拱辰曰。帝乃降觀。即所云成湯東巡也。不意中得

一良相。故云逢。聲罪而黎服大悅。雖水火之民易見

德哉。然僅放之南巢。完其妻子。以行使終其天年。後

桀卒於亭山。湯命官葬之。禁絃歌。舞若喪君。然於征

誅之內。猶有禮焉。黎服之大悅。有以也。皇甫謐曰。伊

尹年百餘歲而卒。大霧三日。沃丁葬以天子之禮。親

自臨喪。以報大德焉。亦因羣心之悅。而厚報之與。

簡狄在臺。嘗何宜。玄鳥致貽。女何喜。

喜音嬉

商周放伐  
故是兩局

而舞而懷  
直是風馬

集注簡狄帝嚳妃侍帝嚳於臺上有飛燕墮遺其卵喜而吞之因生契

周拱辰曰娥女吞黿卵生契事詳商頌史記簡狄在臺卽呂氏春秋所云爲高臺以飲食之是也何宜者言嚳何以鍾愛若此也何喜者言女非愛黿卵而吞之固天之有意開商乎

該秉季德厥父是臧胡終弊于有扈牧夫牛羊

周拱辰曰此義未詳宜闕

干協時舞何以懷之平脅曼膚何以肥之

周拱辰曰頑以德懷固也然舞于自在蒲坂有苗自

不相及始  
之終殺  
之順之  
之復叛之  
當日之  
干又何  
也

在洞庭相去幾千里何由躬逢而覩之而格之此亦  
太史借以贊舜德化之神耳且羽干乃無情之器有  
苗非遵道之人不然他日又何以日殺三苗於三危  
也豈前日之羽干神而後日之羽干不靈乎真有多  
少疑義在平脅語未詳宜闕

有扈牧豎云何而逢擊牀先出其命何從

周拱辰曰舊說啟攻有扈親於其牀擊殺之然前曰  
啟滅有扈遂爲牧豎矣而又曰擊殺之何也無考宜  
闕

恆秉季德焉得夫朴牛何往營班祿不但往來

牛叶魚  
奇反來

事出經傳  
原非僻隱  
不知者便  
為迂怪

之叶  
反力

周拱辰曰。舊訓湯事不誤。特解義誤耳。按越絕書。湯獻牛。荆之伯。荆之伯者。荊州之君也。湯行仁義。敬鬼神。當是時。天下未從也。湯於是乃飾義牛。以事荆伯。乃愧然曰。失事聖人禮。乃委其誠心。此謂湯獻牛。荆之伯也。恆秉季德者。睦隣之禮。終如其始也。淮南曰。始乎叔季。歸乎伯孟。季德者。初德也。湯得大牛。而不以自享。曰。以享隣。湯之祿也。荆得之。而以薦其祖先。且以謝過。荆之祿也。兩皆受其賜。豈區區尋常往來之禮乎。故曰。往營班祿。不但往來。

不用夾袋  
奏記乃勞

昏微遵迹，有狄不寧。何繁鳥萃棘，負子肆情。遵一作循

周拱辰曰：舊謂晉大夫解居父事，補又引烈女傳陳辨女事，皆不類，宜闕。

眩弟並淫，危害厥兄。何變化以作詐，而後嗣逢長。

周拱辰曰：後嗣逢長，象子孫長享有庠之封也。雖曰

親之欲貴，亦聞琴瑟，恠恠，傲德之善能變化耶。幽明錄

有鼻天子塚，有鼻天子城。王隱晉書：大泉陵北，部東

里有鼻墟，卽象所封也。

成湯東巡，有莘爰極。何乞彼小臣，而吉妃是得。

集注：湯夢有人抱鼎俎，對已而笑，寤而求伊摯於有

莘之野有莘之君畱而不進湯乃求婚焉遂嫁於湯以摯爲媵臣

周○拱○辰○曰○何○乞○彼○小○臣○而○吉○如○是○得○言○乞○小○臣○而○何○以○必○借○媒○於○吉○如○也○嘲○之○也○妾○涓○之○知○寧○威○樊○姬○之○薦○叔○敖○英○雄○遇○合○不○得○之○廷○評○而○得○之○閭○譽○問○天○固○夢○夢○矣○

水濱之木得彼小子夫何惡之媵有莘之婦惡去聲

集注伊尹母妊身夢神女告之曰曰竈生鼃亟去無顧居無何白竈中生鼃母去東走顧視其邑盡爲大水母因溺死化爲空桑之木水乾之後有小兒啼水

自莘言之  
貽了夫八  
又折兵也  
自湯言之  
虎獵獐而連

涯人取養之既長大有殊才有莘惡其從木中出因以送女

周拱辰曰此亦嘲有莘之君也湯求摯于莘有莘之君嘗留而不進矣而湯卒以計得之曰夫何惡之或湯用術而間之未可知也湯之自婿湯之巧謀耶嫁婦而又嫁一賢臣莘折閱多矣嗟乎維莘有才維湯用之仲父魯囚也以遺齊桓五穀虞逋也以遺秦穆彼昏不知以賢資敵獨一莘主哉

湯出重泉夫何辜尤不勝心伐帝夫誰使挑之辜古罪字周拱辰曰太公金匱桀怒湯以諛臣趙良計召而囚

之均臺。箕之重泉。湯乃行賂桀。遂釋之。賞之贊茅。不勝心伐帝。舊訓謂湯不勝衆人之心。而以伐桀是誰使先拘湯以挑之。誤矣。言伐帝非湯本心。有挑之者矣。分明指伊尹說。尹旣備說湯以至味。曰爲天子然後可具以味挑也。奔夏三年。反報于亳。曰桀迷于妹嬉。好彼琬琰。以謀挑也。

會鼂爭盟。何踐吾期。蒼鳥羣飛。孰使萃之。

集註武王伐紂。紂使膠鬲視師。膠鬲問曰。欲以何日行師。武王曰。以甲子日。膠鬲還報紂。會天大雨。武王晝夜行。或諫曰。雨甚。軍士苦之。請且休息。武曰。吾許

高定問貞  
公鄧武王  
既是順天  
應人何以  
曰不用命  
則擊戮汝  
貞公鄧不  
能答即其  
義也  
是尚書選  
語

膠鬲以甲子日至今報紂矣。吾甲子日不到。紂必殺之。吾故不敢休息。以救賢者之死也。遂以甲子日誅紂。

周拱辰曰。此下四段。段段有不滿武王意。亦屈原自附。夷齊之義也。言武王冒雨急進。豈真欲救膠鬲之死哉。非爭其失期也。爭其得時耳。鷹隼之衆。羣集飛揚。問誰統率之。此非指武王指尚父也。堂堂之師。必借謀於陰符六韜之將略。何與。

擊紂躬叔旦不嘉何親。揆發定周之命。以咨嗟之一無字。

集注武王至紂死所射之三發以黃鉞斬其頭懸之  
太白之旗此所謂列擊紂躬也

周拱辰曰太白之懸亦太慘矣曰不嘉曰咨嗟明乎  
旦雖佐發定命非其心也何也旦心文王之心者也  
咨嗟不安也恐非厥考以服事殷之心耳況親斬紂  
頭比巢門之禽更甚乎

授殷天下其位安施反成乃亡其罪伊何

施叶所加反何音奚

周拱辰曰殷之天下殷自有之何以曰授殷天下三  
分有二以服事殷殷之天下實周授之耳猶三以天  
下讓意其位安施言文王全紂以位紂宜知所善保

覺昔日叩  
馬一諫至  
今生色

其位矣、而善保之術、又安施耶、成全也、父委曲全之。  
子一旦廢之、夫始全而終奪之、是焚穀也、父全而子  
奪之、是子不終、敵也、其罪伊何、父以爲臣罪、當誅子  
也、以爲君罪、不赦、恐爲人臣者、數其君之罪、而君不服

爭遣伐器、何以行之、並驅擊翼、何以將之、

行叶戶  
郎反

周拱辰曰、爭遣伐器、言遣調戰伐之器也、戰伐之器、  
備太公六韜其遣行之法、爲千古兵法之祖、可攷也、  
並驅擊翼、言進而擊其左右翼也、何以將之、將者尚  
父善將將者武王耶、兩言何以似隱語、言以仁伐不

仁何用許多陰謀權詭爲後世疑乎。

昭后成遊南土爰底厥利維何逢彼白雉指底音

周摎辰曰昭王成王孫賁也白雉事舊以周公時越  
裳氏嘗獻之昭王德不能致而欲親往迎之非也按  
竹書紀年昭王末年有星孛見光五色貫于紫微荆  
人卑詞致于王曰願獻白雉乃密使漢濱之人膠舟  
以待王遂南巡狩將抵海天大暄王至中流膠液船  
解王及祭公辛餘靡皆溺言白雉不可得而適取喪  
溺爲天下笑何利焉王子年拾遺記曰周昭王以青  
鳳之毛爲二裘青鳳白雉所謂禽荒者亡與

穆王巧梅。夫何周流環理天下。夫何索求。梅反芒

集注梅貪求也。穆天子傳天子驚行登陽紆之山升崑崙之邱。憇玄池上羣玉東遊皇澤西至重璧之臺。左傳穆王欲肆其心周行天下將必有車轍馬跡焉。周拱辰曰梅說文訓貪晦翁因訓貪求則下句夫何索求句便贅予謂當訓貪樂之貪爲是言穆王挾造父駕八駿勞馮夷銘玄圃釣珠澤射麗虎過井公而縱博謁西王而薦觴荒遊肆樂既已爲天下君而僕僕車塵馬足抑似有求而弗獲者何故乎然而享年百五歲享祚五十有五年没于禡宮以善終較之昭

作鬼誅讀  
誅字可  
非申侯與  
大戎殺之  
也褒如殺  
之也

妖

王之遊巧拙何如也。雖然，昭王逢白雉，溺身陽侯，穆  
王逐青鳥，答歌王母，雖則遇有巧拙，畢竟病則一般。  
夫曳街何號于市？周幽誰誅焉？得夫褒姒，街焚  
集注：夏后氏之衰也，有二龍止于夏庭，而言曰：「子褒  
之二君也。」夏后布幣精而告之，龍亡而鯀在，櫝而藏  
之，傳二代，莫敢廢。至厲王之末，發而觀之，鯀流于庭，  
化為玄黿，入王後宮，後宮處妾遭之而孕，懼而棄之，  
先時有童謠曰：「檠弧箕服，實亡周國。」後有夫婦相牽  
引行，賣是器于市者，以為妖怪，執而戮之，夜得亡去，  
聞所棄女啼聲，哀而收之，遂奔褒，褒人有罪，乃入此

女以贖罪、是爲褒姒、幽王惑而愛之、爲廢申后、及太  
子宜臼、而立以爲后、遂爲申侯犬戎所殺、  
周拱辰曰、妖夫四語、讀之至今、妖氣襲人、神化爲二  
龍、以言于王庭、妖矣、滌流化爲玄龜、以入于王府、妖  
矣、童妾遭之、孕不夫而育、妖矣、壓弧箕服之謠、聞于  
王府、妖矣、龍曰、余褒之二君、今戮鬻是器者、而獲女  
適奔褒、更妖矣、安知是夫婦者、非褒之二神、陰陽變  
幻之爲亡周之兆耶、其後褒姒有獄、而以爲入、有龍、  
與號石甫比、而周亡、君子曰、褒姒妖孽也、幽王妖主  
也、申侯犬戎、夫亦天厭妖德、而假手焉者乎、

天命反側。何罰何佑。齊桓九合。卒然身殺。反殺音弑。佑叶於忌。

周拱辰曰。洪興祖以小白之死。諸子相攻。身不得殮。

與見殺無異。故曰。卒然身殺。甚之也。何罰何佑。言何

以倏佑之。而牛耳中原。倏罰之。而腐尸楊門之扇也。

任管仲則霸。信豎刁易牙開方則亂。九合之功。不能

勝三佞之姦。天命何常哉。原曰。何罰何佑。吾則曰。亦

自罰自佑。

彼王紂之躬。孰使惑亂。何惡輔弼。護諂是服。惡鳥路反。

周拱辰曰。內惑於妲己。所云女戎也。外惑於飛廉惡

來諸人。猶之男戎也。彼王紂之躬哉。所稱資辯給捷。

見聞甚敏。才力過人。以天下爲咸。出己下者也。然無  
如惡忠良而服讒。勿悛何服。如服藥之服。服苦口之  
藥者。昌服甘言之藥者。亡具曰。子聖誰知。烏之雌雄。  
此語若爲商辛寫照。

比干何逆而抑沈之。雷開何順而賜封之。

封叶安音反

周拱辰曰。雷開阿紂。進諛言。紂賜金玉而封之。賞以  
夏田。或諫曰。非時也。君踐一日之苗。民失終歲之食。  
其可乎。殺之。

何聖人之一德。卒其異方。梅伯受醢。箕子詳狂。  
梅音免詳音佯  
周拱辰曰。箕子爲之奴。蓋囚之爲奴。如漢法髡鉗爲

古奧似周  
逸書

城旦春論爲鬼薪是也。一切直數諫。不避菹醢。一不  
瞽。不聾。托之佯狂。迹似異方。而忠國愛主之心。則一  
也。

稷維元子。帝何竺之。投之于冰上。鳥何煥之。竺一作篤。煥叶音郁。

周拱辰曰。姜嫄爲帝元妃。履巨人迹而生稷。事詳詩  
經。史傳訓云。竺。厚也。愛也。按語氣。稷維元子。帝譬如  
不愛之。而投之冰上。鳥若有知。而覆翼之。愚謂帝何  
竺之。言上帝之篤生稷。實有意開周也。居冰上而鳥  
爲之覆翼。正天心之冥佑耳。何怪焉。  
何。馮弓挾矢。殊能將之。旣驚帝。切激何。逢長之。伯昌號。

衰秉鞭作牧何令徹彼岐社命有殷國

集注馮引弓持滿也注以爲后稷補以爲武王伯昌  
文王也號衰號令於殷世衰微之際也秉鞭作牧言  
服事殷而爲之執鞭以作六州之牧也徹通也武王  
既有天下遂通岐周之社於天下以爲大社猶漢初  
令民立漢社稷也  
周拱辰曰弓矢事王逸以爲后稷固非補注以爲武  
王亦未必大約不離周事者近是竹史云王嘉季歷  
之功錫之圭瓚巨鬯彤弓茲矢九命爲伯周之馮有  
弓矢也舊矣勢駸駸逼帝亦云切急矣何以不疑忌

之信其殊能而長任之乎。號衰者、撫衰世而施號令、以蘇之也。魴魚頰尾、窮民之仰父母久矣。秉鞭不止、六州之牧、史編云、明年伐大戎、明年伐密須、明年敗耆國、又明年伐邠、又明年伐崇、侯虎而作豐邑、又王命西伯得專征伐、時三十三年也。周受天命、自此年始。所以卒能大岐之社於天下、撫有殷國、又何疑乎。遷藏就岐、何能依。殷有惑婦、何所譏。

周拱辰曰、避狄遷岐、不得已焉耳。是時皮幣珠玉、已飽狄人、而弭璧天球、赤刀大貝之屬、故府之藏、謹守勿失、逮至遷岐而乃積乃倉。蓋藏與世寶俱遷矣。益

離騷草木史

卷三

聖

鄒亮

是當年以  
服事殷苦  
衷懷擊引  
亮

四爻曰、利用爲依遷國。蓋周原膺膺。萁茶如飴。而作  
廟作土。立臯立應。一憑戎醜之攸行。曰何能依依。百  
姓樂從之心。以基王匪。音流泉夕陽。邠居允荒之勝。  
而已。殷有惑婦。言姐已不能惑人也。用姐已者。自惑  
耳。曰何所譏。譏惑婦乎。譏用惑婦者乎。  
受賜茲醢。西伯上告何親。就上帝罰殷之命。以不救。  
周拱辰曰。伯邑考爲文王長子。紂烹之以賜文王。文  
王食之而不敢言。所不敢以私怨懟君父也。醢梅伯  
以賜諸侯。獲罪于天矣。西伯受梅伯之醢。爲之心痛  
而憂殷祚之將傾。于是上告帝而祝焉。曰君德之勿

想見蘇髯  
豪飲有如  
許下酒物

師

望在肆。昌何識。鼓刀揚聲。后何喜。識與志同喜  
絕矣。况醢九侯。脯鄂侯。貫盈之惡。所必不赦乎。  
親身代紂。受上帝之降罰也。卒以不救。帝怒而殷祀

屠國之語也。鼓刀一語。開周家八百年靈運。大抵英  
雄在草澤。兩心期許。水乳相投。雖聖主識賢臣哉。英

雄之自負固不淺矣。嗟乎偶然屠釣立感風雲。君臣遇合之難。千古如斯。原所爲追述之而不勝神往也。  
武發殺殷。何所悵。載尸集戰。何所急。  
悵音邑

周拱辰曰。湯之伐桀。放之而已。桀死葬以天子之禮。是放伐中猶存一綫。揖讓之意焉。武則蕩然無復顧忌矣。弔伐同而放殺異。公憤乎私憤乎。載尸集戰。王逸以爲載木主是矣。味何所急。語意似與父死不葬。爰及干戈意同。大抵屈原千古狷忠也。其於商周革命之際。扼腕久矣。信讒齎怒。忍尤攘詢。一種美人遲慕之思。宛然天王聖明。首陽采薇。心事故於湯伐桀。

則曰終以滅喪、曰何條放致罰、於武伐紂、則曰叔旦不嘉、曰何所悒、何所急急、意原所以悼下土之紛攘而願侶彭咸以自沈也。

伯林雉經、維其何故、何感天抑墜、夫誰畏懼、

周拱辰曰、舊謂晉太子申生之事、未詳闕之、

皇天集命、惟何戒之、受禮天下、又使至代之、

周拱辰曰、此亦命不于常意、然非德后虐仇之迂說也、古來如舜之代堯、禹之代舜、湯之代夏、周之代商、命之正也、如羿與浞之代夏、命之變也、神器一耳、有德者居之以旌厥伐、有力者亦時攘之以逞其不肖、

之○心○福○善○禍○淫○正○不○必○爾○此○固○造○物○之○茫○茫○未○可○以○  
理○叩○也○或○曰○以○警○君○也○天○下○不○大○乎○受○禮○天○下○者○止○  
一○君○而○君○懼○矣○受○禮○天○下○者○非○一○君○而○君○更○懼○矣○

初湯臣摯後茲承輔何卒官湯尊食宗緒

周拱辰曰官卽官天下之官卒官湯者推湯於諸侯  
之上○爲○天○下○君○也○尊○食○者○推○湯○祖○宗○於○羣○祀○之○上○郊○  
天○配○地○與○上○帝○同○食○也○

勳闔夢生少離散亡何壯武厲能流厥嚴

嚴叶五郎反

周拱辰曰勳闔夢生闔廬何以勳夷狄也而主中夏  
之盟○公○羊○所○謂○吳○子○進○矣○故○勳○之○也○闔○廬○乃○祖○父○壽○

如讀赤乳  
版書

彭

鏗。斟。雉。帝。何。饗。壽。命。永。多。夫。何。長。  
良反 饗叶虛

夢所生。其父諸樊立而蚤夭。闔以長孫不得立。少小  
散亡在外。及其壯也。乃使專諸刺殺王僚。代爲吳王。  
後用伍員爲將。三戰入郢。碎鐘鞭尸。聲震隣國。是其  
壯而能發憤爲天下雄。奮其武厲。流厥威嚴也。屈原  
侈言之以警楚乎。

周拱辰曰。王逸訓鏗進雉羹於堯。堯享之而錫以壽。  
考至八百歲。子厚答曰。夫死自暮。又誰享以俾壽。言  
人之生死在旦暮。幸堯享其雉羹。俾以壽耳。皆誤也。  
語曰。我生不有命在天。若謂堯能錫鏗以壽。堯胡不

自○壽○至○八○百○乎○余○謂○二○句○平○讀○便○自○躍○然○言○堯○非○嗜○  
味○者○也○鏗○斟○雉○而○堯○享○之○爵○之○彭○城○果○僅○味○之○薦○乎○  
抑○重○其○道○德○焉○而○庸○之○乎○壽○有○所○受○之○者○也○鏗○之○長○  
年○何○術○之○修○豈○熊○經○鳥○伸○之○術○乎○抑○別○有○修○心○鍊○性○  
之○祕○乎○家○語○宰○我○問○帝○德○篇○堯○舉○舜○彭○祖○兩○人○而○任○  
之○論○語○注○老○彭○商○賢○大○夫○自○堯○至○商○得○八○百○歲○莊○子○  
注○彭○祖○隱○雲○母○山○餌○雲○母○御○女○凡○數○十○又○彭○城○有○彭○  
祖○塚○或○以○爲○尸○解○也○又○列○仙○傳○彭○祖○有○道○術○商○王○忌○  
之○西○去○流○沙○不○返○不○知○所○終○  
周○拱○辰○又○曰○堯○俾○彭○壽○爲○說○已○久○按○彭○與○舜○同○舉○堯○

降二女、舜年纔四十、彭與舜年相若、堯舉舜六十而陟、時彭與舜皆百歲耳、其後彭更歷壽七百、則皆放勳、徂落後之年也、若云堯享斟雉於生前、而予以壽、則無其理、若云堯享斟雉於死後、而予以壽、則無其事、豈有七百歲已謝之亡王、尚作鬼、猶求食之態、而私人以壽命乎、俗儒誤認帝字、所以疑義至今、愚謂問中緣鵠、飾玉后帝是享、登立爲帝、帝乃降觀、此三帝字、則帝王之帝也、何獻蒸肉之膏、而后帝不若彭、鏗斟雉帝何享、厥嚴不奉、帝何求、此三帝字、則上帝之帝也、斟雉帝享、與何獻、蒸肉之膏、而后帝不若、句

遙○應○言○均○一○享○帝○也○。羿○以○穢○德○薦○帝○卒○吐○之○俾○促○其○  
祚○彭○以○德○馨○薦○帝○享○之○錫○以○難○老○帝○何○心○哉○仁○者○壽○  
故○爾○壽○命○永○多○復○何○疑○當○時○舜○年○百○有○十○鯀○百○有○八○  
十○至○周○太○公○百○十○四○周○公○畢○公○百○六○十○召○公○百○八○十○  
其○時○元○氣○未○漓○人○多○耆○耆○特○彭○壽○八○百○較○爲○希○遇○故○  
屈○原○侈○述○之○以○榮○世○細○味○語○氣○亦○只○是○天○壽○不○齊○天○  
難○致○詰○之○意○非○如○漢○世○祠○太○乙○求○長○生○僥○倖○神○佑○之○  
誕○說○也○。

中央其牧后何怒，蠶蟻微命力何固，

周拱辰曰：其義未詳，宜闕。

兩餓夫一  
女子一白  
鹿同一不  
朽

驚女采薇鹿何祐北至回水萃何喜祐叶於

周拱辰曰驚女句指夷齊事也文選辨命論夷齊畢  
命於淑媛五臣注云夷齊采薇首陽一女子見而譏  
之曰子義不食周粟此亦周之毛也又夷齊餓於首  
陽白鹿乳之按首陽誌夷齊廟中像側至今塑有白  
鹿言采薇而驚來女子之譏遂棄薇而餓白鹿又何  
以祐之而薦之乳乎北至回水或另一事未有考闕  
之

兄有噬犬弟何欲易之以百兩卒無祿兩音亮

周拱辰曰王逸以爲秦公子鍼之事然與左傳不同

五段亦與  
亦苗恰發  
發歸源

闕之、

薄○暮○雷○電○歸○何○憂○厥○嚴○不○奉○帝○何○求○

伏○匿○穴○處○爰○何○云○荆○勳○作○師○夫○何○長○

自此至終篇皆隔句叶韻

悞○過○改○更○我○又○何○言○吳○光○爭○國○久○余○是○勝○

悞一作寤音庚言叶音

銀勝平聲

何○環○穿○自○閭○社○邱○陵○爰○出○子○文○

環穿自閭社邱陵七字一作環穿社以及邱

蕩陵是淫是十二字

吾○告○堵○敖○以○不○長○何○試○上○自○子○忠○名○彌○彰○

試一作議予上聲

集注荆勳作師初楚邊邑處女與吳邊邑處女爭桑

於境上相傷二家怒而相攻於是楚為此興師攻滅

吳之邊邑而楚始有功吳光爭國闔閭名言吳與楚相伐至於闔閭之時吳兵入郢都昭王出奔吳大勝我也子文楚令尹子文之母邾公之女旋穿閭社通於邱陵以淫而生子文棄之夢中有虎乳之以爲神異乃取養焉楚人謂乳爲鬬穀謂虎爲於菟故名鬬穀爲菟。

洪興祖曰荆勳作師夫何長先言楚雖有功吳復伐楚非長久之策也此楚平王時事又曰懷王與秦戰爲秦所敗亡其六郡入秦不返故屈原徵荆勳作師吳光爭國之事諷之又曰左傳楚子滅息以息嬀歸

生堵敖及成王焉。楚子文王也。莊公十九年，杜敖生，二十三年，成王殺杜敖，卽堵敖也。王逸注以堵敖爲賢人大繆。柳宗元以堵敖爲文王兄，亦誤矣。以上二段集注

未收今補入

周拱辰曰：按左傳注，桓公十一年夏，楚子熊貲卒，子熊羆立，是爲堵敖。十五年，楚熊惲殺其君堵敖，自立。是爲成王。考其世次，惟左注爲確也。蒲暮雷電以下五段舊訓瑣碎晦滯，朱晦翁又指爲不可曉。予熟讀數過，泓亮流暢，語脉一貫，解人自曉耳。若曰：雷填填兮，雨冥冥，此何時也？吾其歸兮。臣奉主爲嚴君，厥嚴

從無此注  
澤泥割蚌  
類皆珠  
三問亦應  
點類

欲奉而不得奉、或者忠未盡焉、豈帝心之責望我乎、  
澤畔行吟、退脩初服、伏匿穴處、余固甘之、夫荆而日  
尋師矣、豈靈長之道乎、倘先王有靈、大悔君心而光  
昭前業、我又何言、然而隣敵日窺、忠臣欲盡強侮多、  
吳光之輩而異才少、子文之人人之云亡、邦國殄瘁、  
吾蓋告堵敖以不長也、吳光子文堵敖皆借語以諷、  
不敢顯斥君爾、若夫以所不必聽者、嘗試君而自予、  
以忠名、余則何敢、夫捷徑窘步、而令臣以忠名、彰則  
君危矣、蘭邪椒佞而我獨以忠名、彰則我又危矣、不  
忠不可而忠又不可、何途之從而可乎、一段真懇痛

哭之懷最爲溢露讀者自得之。

陳深曰、天問發難、至千五百言、書契以來、未有此體、原創爲之、先儒謂文義不次、乃原雜書于壁、而楚人輯之、今讀其文章句之短長、聲勢之倂崛、皆有法度、似作也、非輯也。

顧之琦曰、孟侯先生天問注、附刻陸昭仲楚騷新疏中、吳越楚豫八閩、無不家讀新疏者、徒以有周先生之天問注在也、行世已三十年、今坊刻別本內、有一二條相類者、乃爲輯注射利之人所混、不足深訝、今除天問注外、餘注無一事一語相類、亦

其一證

木史

卷三

弄